

# *ZWIFHIWA ZWA MUDZIMU*

# *TSHIFHINGA TSHOTHE ZWI*

# *WANA MAFHETHU AZWO*

 Ndi a ni livhuwa, Murathu Neville. [Murathu Neville u ri, “Mudzimu a ni Fhaṭutshedze, mukomana.”—Mudz.] Murena a ni fhaṭutshedze, murathu.

Ndi madekwana, dzikhonani. Ndi kha di bva u dzhena, tshifhinganyana tsho fhiraho, huno nda elekanya uri ndi nga kona u tsela fhasi huno nda ni tamela “Khushumusi ya Mutakalo.”

<sup>2</sup> Huno ngauralo a tho ngo zwi ḋivha uri ndi do vha na iyi pfanelo yavhuḍivhuḍi ya u amba na vhoiñwi nga ha Ipfi la Murena. Huno ngauralo Murathu Neville o mmbudzisa, huno ndo vha ndi na mañwalo o vhalaho mañuku a Khushumusi e nda vha ndi tshi khou a shumisa, liñwe lāo n̄ha ngei—ngei Phoenix na u tsa fhasi Tucson, mafhethu o fhambanaho u mona henefho, mulaedza wa misi yothe wa Khushumusi. Huno ndo elekanya, madekwana a namusi, ndi do tou amba nga ha tshiñwe tshiñuku fhano tshe Murena a tshi vhea kha ṭhalukanyo yanga zwa zwenezwino, vhunga ndo vha ndi n̄ha ngei Colorado.

<sup>3</sup> Huno ndo vha ndi tshi khou elekanya nga ha tshiñwe tshithu nga tshifhinga tsha Khushumusi, huno ndi na zwiñwalwa zwiñuku zwi no ḥoda u swika zwiñanu kana zwa rathi zwo ñwalwaho afha fhasi, Mañwalo na zwithu. One... A thi... Ndi a humbulela Murathu Neville na vhashumeli vhothe vha a zwi ita izwo. Inwi... hu vhonala hu tshi nga tshiñwe tshithu tshi a ni delà, huno inwi no tshi fara fhasi. Inwi lindelani lwa tshifhinganyana, huno ni tshi vhee fhasi. Ndi tshi vhea n̄ha ha lubaba lwa bammbiri, kha lubaba lwa bammbiri fhedzi. Zwenezwo musi ndi tshi vhidza nga tshiñwe tshifhinga, ndi do sedza murahu nga kha hafha huno nda ri, “Naa tsho vha tshi mini itshi zwino tshe nda vha ndo tshi fara?” Iyo ndi ndila, musi ri tshi vhidzwa nga u ṭavhanya vhukuma, ni a ḋivha.

<sup>4</sup> Zwo vha zwi tshi anzela u ralo, ndi... musi ndo vha ndi muswa, ndo kona u tou... ṭhalukanyo yanga yo vha yo dala, ndo kona u elekanya izwi zwa zwino, a tho ngo tea u lindela, ndi elekanya “Mađuvha o fhiraho a fumi ndo vha ndi huiwe, huñwe fhethu. Illo ndi liñwalwa. Ngeli, huno hafha li a ṭuwa.”

<sup>5</sup> Ni a ḋivha, tshee nda vuledza zwiwo zwa ndeme zwi si gathi, Mukomana Higginbotham, huno nda pfuka milambo i si

gathi, izwo a zwi tsha da nga iyo ndila, ndi tshi ya nthanyana na ndila. Fhedzi yone...vhunga Murathu Neville o amba, tshifhinga tsho fhiraho, "Ri khou da tsini, tsini na Haya."

<sup>6</sup> Ndi zwavhudzi u vhuya hayani. Nne, ndi tshi khou vhuya, mulandu, hu na mahađa a shushaho. Huno hu na...huno no pfa nga ha idzo khombo na zwithu, nnzhi nga maanda dzadzo ndilani, na vhathe vha tshi khou vhulawa. Huno itonu u elekanya nga ha uri ndi madana mangana a no do xeletwa nga vhutshilo hao zwino, vhukati ha vhusiku na nga murahu ha Nwaha Muswa, uri ndi Vhaamerika vhangana vha no do fa! Huno ni a divha, vhañwe vhashu vha nga di vha henefha, madekwana a ñamusi. Huno zwi tou ya nga ha zwino, uri...nyimele yashu phanda ha Mudzimu. Ndi lushaka lwo tungufhalaho, uyu Mukomana o amba, u tungufhalo huñwe na huñwe. Huno fulaga yashu yo vha yo nembelela, maduvha a furaru, yo tselaho fhasi lwa hafu, zweþhe nga nthani ha tshivhi na vhathe vhane vha sa do tanganedza ndila ya Mudzimu ya—ya—zwithu.

<sup>7</sup> Naho arali ri si nga tendelani na muthu, arali ri si nga koni u zwi ita nga ndila ya u funa vharathu, huno zwenezwo... Ni a vhona, arali Kristo e mbiluni, zwenezwo a hu londwi uri a ni tendelani na munna zwingafhani, ni kha di vha na lufuno khae na khuliso. A thi tendelani na vhanna vhanzhi, zwifhinga zwinzhi. Fhedzi naho zwo ralo, na khathihi a thi athu vhona muñwe a songo tendelanaho na zwe nda vhuya nda zwi elekanya-vho zwa "vhea tshanda tshanga u mona nae huno nda mu vhidza 'mukomana wanga,' nda lingedza u mu thusa lwa khwinesa lwe nda kona." Ndo tou sa tendelana nae ngauri ndi tshi elekanya uri khamusi izwo ndi sa tendelani nazwo uri ene... Zwine a tenda, uri ndi songo tenda u tou fana nae, fhedzi...na zwiñwe-vho, fhedzi zwino ndi nga lingedza u pulana ndila yanga khae musi a tshi pulana yawe kha nne, huno nda vha kuvhanganya huno nda gama huno nda vhona zwine ra vha nazwo, fhedzi u sa tendelana ha u ralo. U tou nga kule i tshi da kha...ri tea uri na khathihi ri sa sinyuwe kana ra toda u vhaisa, kana u tshinyadza tshiñwe tshithu. Riñe tshifhinga tshoþhe ri tea u lingedza u fhaþa.

<sup>8</sup> Ri na tshifhinga tshi rotholaho hafha, naa a ri na? Fusumbembili musi ndi tshi tuwa Tucson, na musi duvha li tshi tsela fhasi huno la swifhala, ho vha hu tshi kha di vha furathitah. Ngauralo, zwenezwo u da murahu nthia ngeno, nne ndi khou tou vha na mutetemelo woþhe nthia, ni a zwi divha. Ndi...Iyo ndila yoþhe ya mahađa, huno fhasi ha pumu, na muxwatu na tshiñwe na tshiñwe, ndo do tea u vha o shumiselwaho yone hafhu. Ndi husili nga maanda uri ni nga kona hani u vha "o dowelaho kilima" nga maanda nga ndila yo raloho—thukhu. Huno tshee nda ni tutshela, a tho ngo vha na tshikhala tsha u bvela phanda na u tshila. Ndo vha na... vhunga sainasi kha mu—mutsho ngomu hafha, huno musi

ndi tshi vha wa kale...Huno ndo vha ndo bebwa huno nda aluswa ngomu hafha. Fhedzi musi, inwi ni a vhona, musi ni muswa, ni na tshiñwe tshithu, ni nga kona u posela kule; fhedzi musi ni tshi vha wa kale, mulandu, ni thoma u wanulusa uri tshiñwe tshithu a tshiho heneffho. Zwo vha zwi tshi anzela u vha nga u ralo, no vha ni tshi nga hangwa nga hazwo. Inwi... hu na tshiñwe tshithu heneffho tshine—tshine tshi sa tou posela vhunga tshone tshi tshi ita musi no vha ni ñwana, ngauralo ndi a wanulusa iyo ndila ye nda...iyo kilima i dudelaho, kha munna wa kale, i nga i a thusa zwiñukunyana.

<sup>9</sup> Ndi elelwa ndi tshi da kha Utica Pike ngei n̄tha, vhunga ñwana (sumbe, malo, fumi, fumimbili, miñwaha ya fumiñña), ndi songo ambara zwienda (zwienda zwa thenisi) huno zwone zwi malo kana fumi fhasi ha pumu, na zwienda zwa thenisi, zwikunwane zwi nn̄da hazwo. Huno a si...zwino izwo a si u tshimbila fhasi vhunga tshiñaraña fhano, fhedzi u khaukanya mahada. A hu na mimodorokara i no khou tsela fhasi, hu nga ñi vha na vhuñala ha gariki luthihi nga tshifhinga. Tselani fhasi ijo gondo nga matsheloni, badzhi ñukhu ya kale yo ambarwa, hu si na hemmbe, huno yone yo nembeledzwa nga ndila iyi, a zwi tsha vha zwi fhiraho zwe zwa thoma zwa zwino; ndi tshi khou ñukala u swika kha magona anga, nda ya phanda nazwo huno nda sa zwi ñhogomele. Ni a vhona, a thi na u rothola. Fhedzi izwo zwo vha zwi minwaha i ñdaho u vha ya fuiñathanu yo fhiraho. Ngauralo, u sa vha na maanda hothe, ndo ya maela nnzhi huno zwa fhañwa kha tshipimaluvhilo, ni a ñivha, ngauralo a ri zwi dzhii u fana na zwe ra vha ri tshi anzela u zwi ita.

<sup>10</sup> Ndo vhona Murathu Capps a tshi imisa ñoho yawe. Inwi ni muswa nga maändesa u elekanya nga ha iyo mihibulo zwino. Huno ngauralo lindelani u swika inwi ni tshi swika n̄tha hune Murathu Neville na n̄ne ra vha hone, zwenezwo—zwenezwo ni ño—ni ño elekanya nga maanda nga ha zwithu zwo fhambanaho, zwi no nga zwi fhela maanda.

<sup>11</sup> Zwo luga, ro vha na zwifhinga zwiñulwane kha Murena. Murena o ri fhañutshedza nga maanda, huno n̄ne ndi a livhuwa nga maanda. Huno ndi a vhuya. Ndi elekanya, Swondaha i ñdaho, Murena a tshi funa, ndi a ñða, arali Murathu Neville a sa londi, yone... Ndi na tshumelo, kañukuñuku nga matsheloni a Swondaha nahone khamusi vhusiku ha Swondaha, tshumelo ya phodzo u itela vhusiku ha Swondaha. Nga matsheloni a Swondaha ndi na mulaedza wa ndeme, arali Murena a tshi funa uri nne ndi u ñee. A tho ngo elekanya nga ha liñwalwa langa... a hu tshe na u fhira liñwalwa langa fhedzi, a hu na ñhaluso khazwo, ngauri ndi—ndi... a si nga nn̄da—nga nn̄da ha inwe, ni a ñivha, nzumbululo i bvaho ha Murena, fhedzi kha n̄ne fhedzi. Ndi—ndi ñða u bula tshiñwe tshithu nga Swondaha tshine nda fulufhelâ uri tshi ño nga u thusa zwiñukunyana nga idzi dzindila.

<sup>12</sup> Ndi tea u bva zwino ngomu mudavhini, huno ndi tou vha na uri duvha liñwe na liñwe ndo dzhia huñwe na huñwe. Ndi elekanya uri Billy o vha a tshi khou mmbudza, vhukati ha zwine zwa itwa, uri ndi na mađuvha mavhili kana mararu ane ndi nga kona u da hayani nga Lambamai nga murahu ha u tuwa fhano, nda humela Tucson, huno izwo zwi nga zwi a zwi dzudzanya-ha. Huno zwenezwo nda shuma u swika Lara i tevhelaho, Tshimedzi, musi ndi tshi da thungo iyi hafhu ndi tshi bva seli ha lwanzhe.

<sup>13</sup> Zwino, mađuvha mavhili hafhu u swika nga Khushumusi. Liñwe duvha hafhu, naa a si zwone? Ayo a do vha mavhili. Musumbuluwo...Na Łavhuvhili ndi Vhusiku ha u tshela kha Khushumusi? Nga Łavhuvhili ndi Vhusiku ha Khushumusi. Naa a zwi mulayoni u vhona uri iyi holodei khulwane, ine ra khou i sendela, i khou sendelwa nga mukhwa une ya khou sendeliwa? Ndi tshithu tshi tungufhadzaho, tshithu tshi—tshi—tshi Łavhanyaho tsho raloho, u elekanya uri—uri mivhuda na lu—lungano lwa khumbulelo lu no pfi “Kriss Kringle” (Santa Claus) na tshiñwe na tshiñwe, zwo dzhia ndeme ya vhukuma kha zwine Khushumusi ya vha zwone.

<sup>14</sup> Zwino, riñe a ri ḥodi...riñe a ri ḫivhi, huno npe zwa vhukuma a thi tendi...Ndo vha ndi tshi khou da fhasi, mufumakadzi wanga o vhuya henefho, huno ndi...ndi tshi khou tsa na ndila, ndi tshi khou thetshelesa mugudañaledzi; izwo zwino, vho tou wela kha muhumbulo we mugudañaledzi a mmbudza miñwaha minzhi, minzhi yo fhiraho, musi ndo vha ndi tshi kha di tou vha mulindi wa dziphukha fhano Indiana. Musi vha tshi mmbudza izwo...ndila ye idzo naledzi dza da fhethu huthihi, u tou fana na uyo mugudañaledzi wa u thoma o ita huno izwo zwa vhumblea, zwe vha amba uri i do vha tshithu tsha mvelo tshi no bvelela nga madekwana mañwe na mañwe, ndi tenda uri o ralo, miñwaha ya madana a malo, kana tshiñwe tshithu tsha u ralo. Huno zwi a dishandulula hafhu, zwa: Sardis na Jupiter, huno ndi a hangwa; huno Mart...Mars; hai, ndi...izwo zwo khakhea. Ndi dziñwe dza naledzi ndila ine dza gidima musi dzi tshi pfuka obiti dzadzo kha mutalo wa liphasi, huno uyu mugudañaledzi madekwana a ñamusi o vha a tshi khou lingedza u amba zwauri yone zwa vhukuma yo vha i tshithu tsha mvelo. A—a thi—a thi Łanganedzi izwo. Ndi a tenda ho vha hu tshithu tsha nga n̄tha ha mupo, tshe Mudzimu a ita. Ene, zwithu zwi nga n̄tha ha mupo na Mudzimu. Ene u nga N̄tha Ha Mupo.

<sup>15</sup> Huno—huno nda sedza fhasi huno nda divha uri itshi tshi khou sedza murahu zwino u ya kha Lambamai, ndo no... Murena a tshi funa uri n̄ñe ndi lalame u swika henefho, ndi do vha na miñwaha ya futhanuthanu. Ni a vhona? Huno ndi—ndi a ḫivha uri...Fhedzi ndi tshi sedza murahu kha vhutshilo hanga, huno ndi a mangala he zwa bvelela hone. U

bva kha idzo Khushumusi ḫukhu dza u thoma, musi ri tshi nembeledza magauswu ashu, huno Mma vha do wana... Rine nga khonadzeo ri do wana swiri, na zwipida zwiṭuku zwivhili kana zwiraru zwa małegere a zwiterepe, huno iyo yo vha i Khushumusi khulwane kha rine. Fhedzi, ni a ḫivha, vhana vha—vha sedza phanda kha izwo zwifhiwa. Rine—rime ri a wanulusa uri—uri Khushumusi i kha...ndi khulwane kha vhana, vha—vha sedza phanda kha izwo maduvha ano. Yo shandukiselwa kha vhana. Fhedzi yone zwa vhukuma i tea u vha ya vhaaluwa; i tea u vha i tshi khou funza vhana vhavho zwine Khushumusi ya vhukuma ya vha zwone.

<sup>16</sup> Huno nne tshothe-tshothe a thi tendi uri—uri Kristo o vha a tshi nga bebiwa nga la fumbilithan la Nyendavhusiku, kha la Yuda, ngauri hu a rothola u fhira zwiñe ha vha zwone hafha zwino. Ni a vhona? Oo, huno vhalisa vho vha vha tshi nga vha vho vhulunga miṭambi yavho hani vhusiku? Huno—huno zwenezwo muthelo na tshiñwe na tshiñwe, na Maria a tshi tea u da ngeyo kule, u bva kule phasi kha la Betlehema ntha u dzhena ngomu Yuda, ntha ngomu Yerusalem, kha ndi ri, kha...u itela muthelo. Ndi—ndi—ndi kundelwa u kona—kona—kona u tenda izwo. Idani ntha, ndi tenda uri u da Nazaretha, huno ngauralo musi... Ndila ine izwo—izwo zwi nga kona u itwa. A zwo ngo kona u—u itwa, fhedzi ndi a tenda uri Kristo o bebwa kha tshipise, ngauri nga ndila iñwe na iñwe O vha e Ngwana. Ni a vhona? Huno dzhielani nzhele, O bebelwa duluni, huno hu si nnđu.

<sup>17</sup> Huno musi vha tshi Mu dzhia vha mu isa tshifhambanomi (vhañwe), u ya nga hune ra zwi ḫivha, izwo na khathihi ho ngo zwi amba nga ha Ene a tshi vha ranga phanda, fhedzi vho Mu ranga phanda. Naa no zwi ḫivha uri ngwana kana nngu i tea u rangwa phanda u ḫavhiwani? I—i nga si ye u ḫavhiwani, inwi—inwi ni tea u i ranga phanda henengei. Huno kanzhi ndi mbudzi i no ranga phanda nngu. Kha—kha zwitumba zwa u vhulahela, vha na mbudzi. Huno mbudzi i do tshimbila ntha ha u gidima huno, u swika i tshi swika ntha u wana nngu yo thoma phasi ha u gidima uri i vhulawé, huno zwenezwo mbudzi i do fhufhela nnđa. Fhedzi musi vha tshi da kha tshifhinga tsha musi vha tshi khou yo vhulaha mbudzi, i a raha zwa vhukuma u ṭata (i tea u dzhena ngomu) ngauri no kundelwa u i pomoka. Fhedzi—fhedzi yone ndi tshi—tshithu tshine nngu ya do tea u rangwa phanda, huno O rangwa phanda u ya tshithavheloni. Vho Mu ranga phanda. O vha e Ngwana. Huno ndi a tenda nga iyo ndila hu tshi tou vha tshothe mvelo, huno ngwana dzi bebwa nga ḫafamuhwe, Lambamai, na huñwe ngomu heneffo, hu si nga murahu ha Shundunthule. Huno a thi tendi uri tsho vha tshi tshiñwe tshithu phanda ha ḫafamuhwe na tshiñwe tshithu nga murahu ha Shundunthule, nga tshiñwe tshifhinga ngomu heneffo.

<sup>18</sup> Fhedzi musi tshivhidzo, Vhukriste, ho malwa ngomu ha Vhuroma, ho vha vhu kha Khorwana ya Nicaea, musi vha tshi ḥanganedza...lushaka lwa Vharoma lwo ḥanganedza Vhukriste huno lwa ita tshine vha tshi vhidza vhurereli ha ḥifhasi, ho vha hu Vhukriste. Vho ita vhurereli ha ḥifhasi, huno vha luvha zwifanyisamudzimu, huno vho vha na mudzimu wa ḫuvha.

<sup>19</sup> Huno zwa zwino, u thoma nga—u thoma nga la fumbilinthihi u swika nga la fumbiliñthanu, ḫuvha li ima kaṭukuṭuku kha vhuṭala honoho musi li tshi khou fhira. Naa izwi ni zwi vhidzani? No no vha....Ndo elekanya uri ndo zwi ḫivha, fhedzi a thi koni u zwi elekanya. Musi ḫuvha li—li...li—li wana tshifhinga tshinzhisa huno li xeda tshifhinga tshinzhisa, u swika nga la fumbilinthihi, vhukati ha la fumbilinthihi na fumbiliñthanu la Nyendavhusiku. Oo, ndi hangwa zwine vha li vhidza zwone. Mini? [Muñwe tshivhidzoni u ri “Mutshakavhili?”—Mudz.] Hai, mutshakavhili ndi musi li tshi fhira, ḫuvha na ḫwedzi zwi fhira zweþhe. Ndi tshiñwe tshithu ngomu henefho, oo, ndi—ndi—ndi kona u zwi amba zwit̄uku fhedzi ndi nga si kone zwa zwino. Naho zwo ralo, ndi uho u ima la sa dzinginyee ha ḫuvha hune ha vhidzwa nga Vharoma (izwo ndi musi sorogisi i tshi bvela phanda), yo vha i tshi vhidzwa ḫuvha la mabebo la mudzimu wa ḫuvha. Vho zwi pembelela u bva nga la fumbilinthihi u swika nga la fumbiliñthanu la Nyendavhusiku.

<sup>20</sup> Ngauralo zwenezwo, ngauri izwi zwo vha zwo shandukiswa, Roma ngomu...ha Vhukriste ha ḥanganedzwa, nga ndila yavho ngei Roma, zwenezwo vha ri, “Ri do ita u pembela hu fanaho, huno ra ita ḫuvha la mabebo la Murwa wa Mudzimu.” Ni a vhona? Mudzimu wa ḫuvha, ḫuvha la mabebo a Jupiter, zwenezwo ḫuvha la mabebo a Murwa wa Mudzimu, fumbiliñthanu ya Nyendavhusiku, huno ilo....

<sup>21</sup> Fhedzi zwi ita phambano ya mini? Ni a vhona, namusi musi riñe ri...Naho hu arali hu hone...arali vho vha vha tshi khou zwi ita nga Fulwana kana Thangule, kana tshifhinga tshine tshi nga vha tshone, hu kha di vha vhukhethwa ha u elelwa uri “Mudzimu o ri ñea fhulufhelo line ra vha naþo kha riñe.”

<sup>22</sup> Huno zwino, inwi ni ri, “Zwavhuði, vhañwe vhoþhe ndi Santa Claus huno vha bvela phanda vhunga vha tshi ita; mulandu, ri tou vha ri tshi nga zwi ita.” Hai, muñe wanga! Hai, izwi a si u pembela ha tshihedeni kha riñe, iyi ndi awara yo khetheaho. Arali ho vha hu si na Khushumusi, ho vha hu tshi do vha hu si na muwo. Arali ho vha hu si na Khushumusi: ho vha hu tshi do vha hu si na lufuno, ho vha hu tshi do vha hu si na mulalo, ho vha hu tshi do vha hu si na nga murahu ha mutendi; arali ho vha hu tshi do vha hu si na Khushumusi.

<sup>23</sup> Huno zwino, inwi ni ri, “Zwo luga, arali shango loþhe, vha tshi tou...” Zwo luga, ni a vhona, lupenyo lu re na forogo kha

lutombo lutswu, lwa makole, lu sumba uri hu nga vha na tshedza nga tshifhinga tsha swiswi. Idzi mbone madekwana a ɿamusi dzi sumbedza uri, uri hu nga vha na tshedza nga tshifhinga tsha swiswi. Huno tshedza tshi penya lwa khwinesa lwatsho lini? Kha swiswi. Inwi ni funga idzi mbone nga tshifhinga tsha nga masiari, duvha li tshi khou penyela ngomu, inwi ni nga si dzhiele nzhele ya uri dzo funga. Fhedzi tshithihi tshituku fhedzi, tsha tshedza tshituku tshi do penya nga phenyo vhukuma nga tshifhinga tsha swiswi. Huno zwa zwino hu na swiswi musi Mukriste muñwe na muñwe a tshi tea u ɿea vhuñanzi ha fhulufhelo line la vha khae, la Yesu Kristo Murwa wa Mudzimu; hu si iñwe Kriss Kringle ye ya bebwa hangei, inwi ni a ñivha, na luñwe lushaka lwa muri wo fungaho huno wa tsela fhasi nga kha ñaka vhuñwe vhusiku, iñwe nganea ya miswaswo hune ha sa vhe na fhasi khayo. Fhedzi ri tenda nga tshiomate kha Ipfi la Mudzimu lo fulufhedziswaho la Mesia a no khou ña, huno O bebwa nga duvha la Khushumusi, fumbili...zwi re tsini nga maanda na miñwaha ya zwigidi zwivhili zwe fhiraho, ri a tenda.

<sup>24</sup> Ngauralo, madekwana a ɿamusi ri khou yo amba zwiñukunyana nga ha ndila yo fhambanaho. Ndi a humbulela uri mufunzi wa vhoinwi o no ñi amba, huno nga khonadzeo u do amba vhusiku ha Łavhuraru hafhu ngauri ndi—ndi a zwi ñivha uri o vhea murahu liñwe liñwalwa kana tshinwe tshithu, u nñea iyi pulatifomo madekwana a ɿamusi. Huno ndi ñoda a tshi i ñisa, ndi ñoda u mu thetshesela.

Fhedzi, ri sa athu ita izwi zwino, kha ri kotamise zwifhafuwo zwashu hafhu uri ri vhe na tshifhinga tsha thabelo:

<sup>25</sup> Khotsi wa Tađulu, itshi tshifhinganyana tsho khetheaho, musi ri tshi elekanya nga ha zwithu zwe fhambanaho kha Luñwalo hafha, uri huñwe na huñwe hune ra ya, murahu kha Testamende Ndala, hu amba nga ha ilo duvha musi Mudzimu a tshi do rumela Murwa Wawe. Ndila ye avho vhaporofita murahu hangei vha kovha tshifhinga tshavho uri vhuporofita ha Ipfi la Mudzimu uri vhu de khavho. Huno vho porofita maduvhani avho huno vha dzula vho amba zwithu zwi no do khunyelela, huno ri a zwi vthona zwothe zwe ɿangana benefho Betlehema uvho vhusiku musi Mudzimu o funa shango zwingafhangafha lwe A ɿea Murwa Wawe mubebwa-e-eþhe. Ri a U livhuwa nga nthani ha izwi.

<sup>26</sup> Huno zwino, Murena, madekwana a ɿamusi musi ri tshi dzula fhasi hafha u—u amba nga ha Ipfi Łau; huno Lo khethea nga maanda, Murena, itsho ndi tshone tshi itisaho uri ri takalele u amba na Iwe u thoma. Huno ri a U humbela uri u vule pfeseso yashu kha Ipfi Łau. Dzinani la Yesu ri a zwi humbela. Amene.

<sup>27</sup> Zwino ndi ñoda u vhala luñwe Luñwalo hafha, lune lwa tou vha nganea ya misi ya Khushumusi, ya Luñwalo lu wanalahlo kha—kha Mateo, ndima ya vhu2. Huno musi ni tshi ya kha iyo, na Yohane 3:16.

<sup>28</sup> Huno vhuñwe vhusiku n̄ha ngei Phoenix...Arali na theipha vhathu hafha, ni tshi khou thetshelesa dzitheiphi, ndi do takalela vhoiñwi ni tshi thetshelesa iyo inwe: *Ndi Ngani Yesu O Do Tea U Da Betlehema*. Ndi ngani O do tea u zwi ita? Huno izwo zwiga heneñho zwa Dafita, zwi heneñho huno—huno na lindela thavhani, no sedza fhasi huno ni tshi vhona mmbi ya Filista yo govhela. Huno ndo vhambedza izwo na ñamusi kokotolo, huno nda wanulusa uri Betlehema...zwine ya amba.

<sup>29</sup> Huno Kristo ndi Betlehema yashu, huno i nga sumbedza uri munna muñwe na muñwe o bebwaho nga Mudzimu o bebelwa ngei Betlehema, ngauri Kristo ndi Betlehema. Huno iyo ndi yone ye A vha i yone, *Tshinnkwa tsha Vhutshilo*. Huno Beth, *B-e-t-h* i amba—amba “*nn̄du*,” *E-l* ndi “Mudzimu,” huno e-l-h-e-m ndi *Elhem* line la amba “tshinnkwa,” na “*Nn̄du ya Tshinnkwa tsha Mudzimu*.” Huno Yesu Kristo o vha e “*Nn̄du ya Tshinnkwa tsha Mudzimu*,” Tshinnkwa tsha Vhutshilo Vhu Sa Pheli. Huno munna muñwe na muñwe we a bebelwa ngomu ha Kristo, no bebelwa ngomu *Betlehem*, “*Nn̄du ya Mudzimu ya Tshinnkwa*.” Huno ndila ine ligi dza izwi zwivhidzo dzo govhelwa, vhunga Vhafilista, u vhavhalela vhathu Khayo.

<sup>30</sup> Huno ndila ye avho vhanna vha tshivhindi, vha tshi zwi divha uri Dafita o vha o doliswa huno a tshi khou yo vha khosi liñwe ñuvha...zwi songo doweleaho nga maanda zwenezwo, ngauri o vha e mutendeleki vhukati ha vhathu vha hawe, fhedzi liñwe ñuvha mbidzo yawe ya da. Vho vha vhe na vhanna vha tshivhindi nae. Huno elelwani, avho vhanna vho vha vhe Vhannda, vhunzhi havho vho vha vhe Vhannda, tshifanyiso tshavhuñi nga maanda tsha ñamusi. Huno munna muthihi o vha e na tshivhindi nga maanda, o vhulaha vhanna vha madana a malo nga itsho...nga pfumo lawe, ene muñe, nga ñuvha lithihi. Muñwe o vha o ima tsimuni ya ñhumbe, huno mmbi ya da, gomane. Huno vhoqhe vhavho vha gidima, huno a ima heneñho huno a vhulaha vhanna u swika zwanda zwawe zwe neta. Huno zwenezwo muñwe, ndila ye a fhufhela ngomu bidzini huno a vhulaha ndau nga ñuvha la mahada, nga tshanda tshithihi. Huno Mufilis-...kana Muegipita a mu gidimela, nga pfumo lilapfu, huno a dzhia thamu huno a rwa pfumo ili tshandani tshawe, a dzhia pfumo huno a vhulaha Muegipita ene muñe, huno a vhulaha vhokapuñeni vha madana mararu.

<sup>31</sup> Huno neani vhanna vhahulwane! Dafita a tshi khou lila, “Arali ndo vha ndi tshi nga kona u nwa hafhu, ni a vhona, kha itsho tthisima!” (he a vha a tshi anzela u nwisa nngu dzawe musi a tshi bva nga matsheloni, a tshi bva kha tshitumba, dzi do toda tshinwiwa tsha madj) Huno avha vhanna vho kokodza mabanga avho huno vha lwa nga kha maela dza fumiñhanu dza vhanna, vha ñisa aya madj murahu.

<sup>32</sup> Huno Dafita a ri, “Kha i vhe kule, uri ndi a nwe.” Huno a a shululela fhasi sa tshinwiwa tsha tshiṭhavhelo tsha Murena. Ndi tshifanyiso tsha tshavhuđi hani tsha tshithu tshenetsho tshithihi, tsha iyi Yohane 3:16, madekwana a ḡamusi.

...Mudzimu o funa shango zwingafhangafha, lwe A  
nekedza Murwa Wawe mubebwa-e-eṭhe,...

<sup>33</sup> Huno Kristo o itani? Vhutshilo he A do tea u tshila u Ya Nga Hu Sa Pheli, O vhu shululela mavuni vhu tshi bva kha tsinga Dzawe, vhutshilo Hawe ha mvelo, fhasi mavuni sa tshiṭhavhelo tsha tshivhi tshashu. Huno ndila ine Vhanndā ḡamusi, vhanna vha khuliso, vhanna, vhanna vhahulwane, vha tshi dzhia banga, huno vho ima heneffo huno vha tshi khou tumula ndila yavho u wana tshinwiwa tshiswa tsha madi tsha Kristo (Dafita washu), zwine zwa vha uri a two ngo dōwelea nga maanda ḡamusi. Fhedzi Dafita washu, ane ra zwi ḫivha uri U khou da nga maanda, U khou yo kandekanya lushaka luńwe na luńwe fhasi ha milenzhe Yawe nga u ralo, huno a vha vhusa nga mugo wa tsimbi. Huno vhanna vha tshivhindi vha vhukuma, vho ima na Ipfi la Mudzimu huno vha tshi khou rema u bva kha tsinde u ya kha tsinde hu si na nyofho, ngauri ri a zwi ḫivha uri U khou da nga maanda.

<sup>34</sup> Kha ri vhale zwino, nga murahu ha Yohane 3:16; kha ri vhale madalo a—a Vhadziavhuṭali vha Mateo Mukhethwa, ndima ya vhu2.

*Zwino musi Yesu o bebwaa Betlehema wa Yuda  
maduwhani a Herode ene khosi, vhonani, ho da vhanna  
vha vhūṭali vha tshi bva—vha tshi bva vhubvaḍuvha  
ha Yerusalem,*

*Vha tshi ri, U ngafhi uyo o bebwaho e Khosi ya  
Vhayuda? ngauri ro vhone ḡaledzi yawe vhubvaḍuvha,  
huno ri da u mu luvha.*

*Musi Herode ene khosi...o pfa izwi zwithu, a  
dinalea, na Yerusalem yoṭhe nae.*

*Huno musi o no kuvhanganya...vhotshifhe  
vhahulwane na vhone vhamanwalo vha vhathu  
vhoṭhe, a ḡodisisa khavho hune Kristo a tea u bebwaa.*

*Huno vha ri khae, Wa Betlehema wa Yuda: ngauri  
two ḡwaliwa nga muporofita,*

*Huno iwe Betlehema, kha shango la Yuda, naa iwe  
a u mutuku vhukati ha vhakololo vha Yuda:...kha  
iwe hu do bva Muvhusi, a no do vhusa vhathu vhanga  
Israele.*

*...Herode, musi o no vhidza vhanna vha vhūṭali  
nga ndila yo dzumbetshedzwaho, a vha vhudzisa nga  
maanda uri ḡaledzi yo vhonala nga tshifhinga-de.*

*Huno a vha rumा Betlehema, huno a ri, Iyani huno ni ṭodisise nga maanda nwana muswa; huno musi no no mu wana, ni nnđisele ipfi hafhu, uri ndi kone u da huno ndi mu shumele hafhu.*

*Huno musi...vho pfa khosi, vha ṭuwa; huno, vhonani, ḥaledzi, ye vha i vhona ngei vhubvađuvha, ya vha ranga phanda, u swika i tshi da huno ya ima nga n̄tha ha he nwana muswa a vha e hone.*

*Huno musi vha tshi vhona ḥaledzi, vha takala nga dakalo ḥihulwane.*

*Huno musi vho no dzhena ngomu nduni, vha vhona nwana muswa na Maria mme awe, huno vha wa fhasi, huno vha mu luvha: huno...vho no vula lupfumo lwavho, vha nekedza zwifhiwa kha ene; musuku,... nonzhe, na zwioro.*

*Huno vho tsivhudzwa nga Mudzimu nga muloro uri vha songo ṭuwa...vha songo humela ha Herode, vha ṭuwa vha ya shangoni lavho nga inwe ndila.*

<sup>35</sup> Nga ndila isili nga maanda nga ndila ine Mudzimu, nga ndila ḥukhu,... Mudzimu u amba na vhathu nga kha miloro. Ndi a zwi tenda. Fhedzi nga ndila ine Mudzimu nga iyi tsumbo a shumisa ya vhuvhili.

<sup>36</sup> Zwino, muloro ndi...muloro, arali u tshi ḥalutshedzwa nga ndila yone, u fana na bono; arali u muloro huno u tshi talutshedzwa. Mudzimu o u shumisa u bva tsha kale kha Testamente ya Kale huno na fhasi nga kha zwikhathi, huno a fulufhedzisa mađuvhani a u fhedzisela u u shumisa hafhu. Zwino, vhathu vha nga ḥesa na—na zwiinwe-vho huno vha wana miloro, huno a si—a si ya vhukuma, miloro ya tshimuya, a i lili musi ni—musi ni tshi i vhala. Huno miinwe yayo i nga di vhonala i yavhuđi, fhedzi naho zwo ralo hu na ya vhukuma, miloro ya tshimuya. Huno ri a zwi divha hafha kha thaberenakele uri Mudzimu u nea vhathu miloro huno i a talutshedzwa, huno i da ya khunyelela, huno ndi ya vhukuma. Fhedzi ndi ndila ya vhuvhili ya u zwi ita. Ni a vhona?

<sup>37</sup> Zwino, tsho itisaho uri zwi itwe tshifhingani itsho, ho vha hu ngauri ho vha hu si na muporofita shangoni nga itsho tshifhinga, u ḥalutshedza muloro. Ni a vhona? Ho vha hu si na muporofita wa u ḥalutshedza miloro, vhunga Yosefa na—na Daniele na avho vhaporofita vha kale. Who vha si na muporofita lwa miñwaha ya mađana maña, huno Mudzimu o shumisa muloro u...u itela vhulondavhathu ha Nwana Wa Ene muñe. O ita.

<sup>38</sup> O vhudza Yosefa, musi o vha e “munna o lugaho, a sa funi u mu ita tsumbo ya vhathu, a eletschedzwa u mu ḥala nga ndila yo dzumbetshedzwaho.” A zwi timatimisi o mu vhudza nga ha

madalo a Gabriele na vhańwe-vho, na zwe a amba; fhedzi musi a tshi mu vhona u vha mme, two—two vha zwi songo dowelea nga maanda. Inwi ni a zwi divha, two tou... ho vha hu tshińwe tshithu tsho fhambanaho nga maanda. Huno ni a zwi divha, iyo ndi yone thaidzo ḥamusi. Mudzimu u ita zwithu nga ndila i songo doweleaho, huno zwi tou vha zwi songo doweleaho nga maanda u swika munna o lugaho a sa koni u zwi vhona.

<sup>39</sup> Yosefa ho ngo kona u zwi pfectesa, two vha zwi songo dowelea nga maanda. O vha e munna wavhuđi, hu si na tsho khakheaho khae. O vha e munna wavhuđi, munna o lugaho, fhedzi two vha zwi songo dowelea nga maanda. Ni a vhona, Yosefa nga khonadzeo e na miwaha ya fuina kana ya fuinathantu, tshińwe tshithu tsho raloho, vha a vhlā, musi ene na Maria vho fulufhedzisana. Fhedzi hafha ri wana tshińwe tshithu tshe na khathihi tsha sa bvelele: musadzi o funanaho na uyu munna huno a wanala e mme! Huno two vha zwi songo dowelea nga maanda Yosefa a eletshedzwa u mu ṭala. Fhedzi heneffo nga itshto tshikhathinyana tsha ndeme, Mudzimu o rumu Muruńwa Wawe, huno a vhonala khae nga muloro huno a ri, “U songo ofha u dzhia Maria mufumakadzi wau, ngauri Uyo o hwaliwaho ngae ndi wa Muya Mukhethwa.”

<sup>40</sup> Ndi lutendo-de luswa lwe Yosefa a fanela u vha o vha e nalwo musi a tshi vuwa heneffo! Ni a vhona, na khathihi o vha a si na thodea ya ińwe thalutshedzo-vho, muloro wo vha u si nga zwiga. Wo vha wo bvēla nnđa tshothe, “U songo ofha u dzhia Maria mufumakadzi wau, ngauri Uyo o hwaliwaho ngae ndi wa Muya Mukhethwa.” Ho vha hu si na muporofita wa u nea thalutshedzo, ngauralo yo do tea u da yo livhana, heneffo tswititi nga u ralo; kha Mudzimu... u bva kha Mudzimu u ya kha Yosefa. Zwino... huno Mudzimu o dzhia iyo nga ndila ya vhuvhili.

<sup>41</sup> Naa zwi ri funzani heneffha, ri sa athu rwa lińwalwa lashu? Ngezwi zwine zwa ri funza: uri Mudzimu a nga shumisa vhukoni vhuńwe na vhuńwe ha tshivhili tshashu arali ho kumedze... ho kumedzwa kha Ene. A nga kona u shumisa thalukanyo yashu, miloro yashu, thalukanyo yashu, luvalo lwasu lwa u thoma, lulimi lwasu, nyimbo dzashu, mađo ashu, ashu... Tshińwe na tshińwe tshine ra vha natsho tshi nga kona u shumisa nga Mudzimu arali tsho kumedzwa kha Mudzimu. Ni a vhona? Tshińwe na tshińwe tshine na vha tshone, tshi kumedzeni kha Mudzimu. U do shumisa ndila ya u bva ińwe na ińwe na tshipida tshińwe na tshińwe tshańu, U do tshi shumisa. A hu na thaidzo uri ndi mini, U do tshi shumisa arali tsho khethefhadzelwa kha ndivho Yawe na mbidzo.

<sup>42</sup> Zwino, madekwana a ḥamusi ri khou yo amba nga ha: *Zwifhiwa*. Huno ndi ḥoda u nea iyi ḥohoh, arali... Ndo ḥwala, ndo ḥwala tshińwe tshithu ngomu heneffo, musi Murathu Neville o vha o takuwa: *Zwifhiwa Zwa Mudzimu Tshifhinga Tshothe Zwi Wana... Zwifhiwa Zwa Mudzimu Tshifhinga*

*Tshoṭhe Zwi Wana Mafhethu Azwo.* Zwifhiwa zwa Mudzimu tshifhinga tshoṭhe zwi a landulwa, fhedzi zwa vhukuma zwi wana fhethu hazwo musi... .

<sup>43</sup> Zwino, sedzani tshifhiwa tshe avha vhanna vha vhūali vha tshi ḋisa... kana vha tshi ḋisa kha Ene. Namusi ri wana uri ri khou nekedzana zwifhiwa. Muňwe na muňwe u tea u wana tshifhiwa, huno a lingedza u elekanya uri muthu a tevhelaho u khou yo mu ḋeani, ngauralo a nga kona u mu ḋea tshiňwe tshithu a tshi vhambedza na itsho nga maanda. Huno arali zwi songo ralo, zwo luga, nga ḋa Nwaha Muswa, u a zwi pfa uri u tea u zwi ita. Huno muňwe na muňwe a tshi khou guda na u vhilaela na u tshimbila phasi, dzimilionere, ndila ine vha khou yo ponya. Vha ḋea zwinzhi nga maanda kha *uyu* muňwe na *uyo*, musi zwi—zwi zwoṭhe zwo khakheaho. Zwi—zwi zwone zwo—zwi zwone zwo—zwi zwone zwo zwi re tshoṭhe... Khushumusi... .

<sup>44</sup> Phano: hu na tshifhiwa tshithihi fhedzi tshine ni nga ḋea, huno itsho ndi inwi muňe. Dinekedzeni kha Mudzimu ngauri Mudzimu o no di ni ḋea Tshifhiwa Tshawe. Zwino, hu na tshithu tshithihi tshine na tshi koloda murahu kha Mudzimu, uyo ndi inwi kha Ene.

<sup>45</sup> Zwino, huno zwifhinga zwinzhi, *madzina a* Bivhilini. A ri tsha zwi dzhiela nzhele, ḋamusi. Rine... No no mpfa ndi tshi hoyo ili dzina, vhana vha tshi vhidza... kana vhathu vha tshi vhidza vhana vhavho “Ricky.” Zwino, *Ricky* ndi dzina li shushaho! Ni a vhona? Huno ndi... a no ngo fanela u vha vhidza hezwo. Arali ni na ḋwana a no pfi Ricky, u itela zwavhudi, li shandukiseleni kha tshiňwe tshithu. *Ricky*, kana—kana *Elvis*, kana tshiňwe tshithu tsha u ralo,... *Ricky* zwi amba “mbeyha.” Ni a vhona? Huno ngauralo inwi—inwi ni ya... Huno—huno zwine na zwi vhidza muthu, izwo zwi a zwi akhamadza. Mufumakadzi muňuku, ḋinwe ḋuvha, o vha e na mutukana muňuku ngei nn̄da a no pfi “Ricky” huno dzina lawe ndi Ricky, James Ricky. Huno ngauri zwo vha zwi tshi divhea nga maanda (*Ricky*), vho mu vhidza “Ricky.” Nda ri, “Shandukisani ilo dzina!”

<sup>46</sup> Ndi dzhiela nzhele vhaňwe vhathu vho dzulaho henefha zwino vha re na muđuhulu muňuku, huno dzina lawe ndi... mutukana muthihi—muthihi muňuku ndi wa u difhesa, muthu muňuku wavhuđi; huno uyo muňwe ndi Ricky, huno izwo ndi zwine a vha zwone. Inwi itonu mu sedza, mvelo yawe yo tou ralo. Huno ene... Ndo ri kha vhaňwe vha vhomakhulu wawe, kana muňwe muthu, nda ri, “Vhudzani mme uri a shandukise dzina ḋa uyo mutukana, itonu shandukisa ilo dzina huno ni vhone zwi no bvelela kha ḋwana.” Ni a vhona, vho inwi vhathu a ni ḋodi u tenda izwo. Ri elekanya uri ro no tshilesa kha izwo.

<sup>47</sup> Arali hu si na tshiňwe tshithu kha dzina, zwenezwo ndi ngani samusi Yakobo a tshi vhidzwa *Yakobo*, ḋine ḋa amba

“mudzia-maano, mufhuri,” izwo ndi zwe a vha e zwone? Fhedzi musi o ita tsimbe na Murena vhusiku hothe, huno Murena a shandukisa dzina lawe, na nga ha...musi o vha e tsi ni na miñwaha ya furathi. O shandukisa dzina lawe u bva—u bva—u bva kha Yakobo u ya kha *Israele*, “mukololo phanda ha Mudzimu,” huno izwo ndi zwe a vha e zwone.

Ndi ngani Abram o vha a tshi vhidzwa...o do tea u vhidzwa “Abraham” musi lushie lu sa athu bebiwa? Ndi ngani Sarai o vha a tshi vhidzwa “Sarah” lushie lu sa athu bebiwa?

Ndi ngani Paulo...kana vhidzani...dzina lawe lo vha li Saulo, fhedzi musi a tshi tangana na Yesu, O shanduka u bva kha Saulo u ya kha “Paulo.”

Musi Simoni a tshi shandukiswa u bva kha Simoni u ya kha *Petro*, line la amba “tombo lituku.” Huno—huno madzina avho othe o shandukiswa, ndi ngauri zwine na vhidzwa ndi tshiñwe tshithu nga hazwo. Musi ni tshi amba tshiñwe tshithu, tshi a ditalusa. A thi todì u dzhena ngomu heneffo, ngauri izwo zwi da vhusiku ha Swondaha i tevhelaho, ni a vhona, thaluso ya ipfi. Huno, fhedzi zwino, ri wana izwi zwithu zwi ngoho nga maanda.

<sup>48</sup> Zwino sedzani, Mudzimu...Ndi tshithu tshisili-de madekwana a ñamusi, u vhona uri avho vhanna, Vhadjziavhuñali, vhanna vho funzwaho, vhanna vhahulwane...vha tshi tsela fhasi vha tshi bva Vhubvaduvha, iyo yo vha i Babele, ye ya vha i India. Huno vhone na khathihi a vha di nga vhuñwe vhusiku hothe, huno vha thoma vhusiku vhuthihi huno vha swika heneffo vhu tevhelaho, vho vha vhe na miñwaha i todaho u swika mivhili vha tshi ya henengei. Na khathihi a vha di kha Lushie luñuku mukungwani. Vha da kha Ñwana muswa, Ñwana muswa. Huno Herode o vhulaha vhana u thoma nga miñwaha mivhili. Ni a vhona, u zwi divha uri ho vha hu si lutshetshe luñuku lwo edelaho vhulalonî, o vha a tshi do tou vhulaha vhushie hothe. Fhedzi o vhulaha vhana vhaswa, u itela uri a vhe na ngoho ya u Mu wana, huiwe na huiwe u thoma nga miñwaha mivhili kale murahu. O vhekanya tshifhinga ngauri a tshi zwi divha uri o vha a sa todì u vhulaha vhanzhisa, vhothe vhavho, o tou...ngauri vho vha vha tshi nga dziphuli dzo engedzeaho kha ene. O vha a tshi todà u wana...u vha na ngoho ya u Mu wana, ngauralo a ri, “Ñwana u do vha na miñwaha i todaho u swika miñwaha mivhili. Ngauralo, tshiñwe na tshiñwe u bva kha miñwaha mivhili kale u tsa fhasi, u do tshi vhulaha.” Ni a vhona?

Huno izwo zwo khunyeledza zwe muporofita a amba, uri “Ngei—ngei Rama hu do pfiwa u—u zhamba kana u lila, u tswimila; uyo Rahele a tshi khou tswimilela vhana vhawé, huno vho vha vho lovha.”

<sup>49</sup> Zwino, naa no dzhiela nzhele uri avha vhanna vha vhuñali, vhanna vhahulwane, vho vha vhe nñha ngei Babele huno vho vhona Naledzi Yawe, ro ri, “Ro vhona Naledzi

Yawe vhubvađuvha huno ri da u Mu luvha.” Vha da vha tshi bva vhubvađuvha, he vha vhona Naledzi, i tshi ya vhukovhela. Ngauri India i vhukovhela, devhulavhukovhela ha Bab...ha—ha Palestina. Huno vha da henefho fhasi nga kha Mulambo wa Tigrisi huno a budekanya henefho nga ngomu, vha tsela fhasi ngomu Betlehemā he vha wana lu—lu—Lushie. Huno elelwani Yosefa na vhone na khathihi a vho ngo ḫuwa henefho; vho ya henefho fhasi kha Nazaretha huno vha ḫisa Nwana n̄ha, henefho.

<sup>50</sup> Zwino, ri a vhona hafha uri vho ḫekedza...Avha vhanna, vhe vhagudanaledzi huno vha tshi khou guda dzinaledzi, huno vha tshi khou vhona idzi mbone dzi kanukisaho dza ṭadulu dzi tshi bvelela henefho n̄ha, uri ho vha hu na tshiňwe tshithu tshe tsha vha tshi tshi khou bvelela; uri vho zwi ḫivha uri uyo o vha e Mesia, mu—Muvhusi wa maṭadulu nā lifhasi, o vha a tshi khou do bebwā. Huno vha a da, vha tshi zwi ḫivha uri Vhumudzimu vhu do valelwa, vhu do vha n̄duni kha mu—muthu; zwi do vhanga u ni sumbedza vhučanzi havho... Ni a ḫivha, ni a ḫivha, vhushtilo hanu vhu amba nga maanda u fhira maipfi aŋu, u swika hu sa londwi zwine na amba, vhathu vha a ḫivha zwine na—na vha zwone.

<sup>51</sup> Huno sedzani avha vhathu, avha Vhadziavhučali, vho Mu ḫisa... Sedzani zwifhiwa zwe vha Mu ḫela zwone, zwo ṭalusa zwe vha elekanya uri O vha e zwone. Vho Mu ḫisela müsuku, ḫonzhe, na zwioro. Huno zwino sedzani zwine izwi zwiga zwa vha zwone, zwine nda khou ṭoda u amba na inwi nga hazwo zwino...ndi zwine izwi zwiga zwa amba. Zwino, ndi na lunwe Luňwalo lwo n̄walwaho hafha lune ra do lu vhala nga tshikhathinyana nga halwo, Murena a tshi funa.

Zwino: müsuku, na ḫonzhe, na zwioro.

<sup>52</sup> Zwino: müsuku Bivhilini...zwi fanela hani kha Kristo, ngauri müsuku u amba nga ha Vhumudzimu. *Müsuku* ndi “Vhumudzimu.” Ri do da khazwo nga tshikhathinyana. *Nonzhe* i amba nga ha “tshumelo.” Huno zwioro ndi “lufu.” *Mudzimu*, *Vhumudzimu*, *nga tshumelo ya u fa*. Huno izwo ndi zwe A vha e zwone. Tshithu tshenetsho tshe vha tshi ḫisa tsho ṭalusa zwe vha elekanya uri O vha e zwone.

<sup>53</sup> Huno ndi amba izwo kha riñe ḫamusi, “Zwithu zwine ra zwi ḫisa kha Ene zwi ṭalusa zwine mihumbulo yashu ya vha yone nga ha Ene.” Inwi ni a pfectesa zwine nda khou amba? Ni a vhona? Arali ni...Arali ni tshi Li tenda nga mbilu yanu yothe, Ipfi liňwe na liňwe la ilo, ni do zwi ṭalusa nga u nea zwothe zwine na vha nazwo Khalo. Ni a vhona? Fhedzi arali ni tshi tenda uri ndi fhethu havhuči u dowelana na vhathu vha khwine, u mona na tshivhidzo na zwithu zwa u ralo, izwo zwi tou vha nga ha zwine na nea (dzi tou vha awara dzi si gathi dza matshilisano na vhaňwe vha tshivhidzo kana tshiňwe tshithu).

Fhedzi arali inwi—arali inwi zwa vhukuma ni tshi <sup>Li</sup> tenda nga mbilu yanu yothe, zwenezwo ni nea tshiñwe na tshiñwe tshi re kha inwi Khalo. Ni a vhona? Huno tshi a ni talusa, uri inwi nga ngoho ni tenda Mulaedza, uri ni a u tenda u vha Ngoho.

<sup>54</sup> Vhatu vhanzhi nga maanda vha ri, “Ndi nga tenda *itshi* nga maanda. Ndi nga tenda *ngauralo*.” Vhafunziwa... Ndi a tenda uri tshifhinga tsha u fhedza fhano, ndo amba nga ha hezwo: *Vhatendi, Vhadzia-Muhoyo, Na Vha Sa Tendi*. Naa iyo yo vha i songo ralo? Ndi...naa a tho ngo amba nga ha izwo fhano? Ni a vhona? Huno muthu muñwe na muñwe, ndi tshifhio tshiteñwa tshawho. Ni a vhona, zwi do swika fhethu hune vha nga kona u dzhia zwinzhisa zwazwo, vha nga dzhia zwo salaho.

<sup>55</sup> Zwino, two vha two fanela hani izwi zwifhiwa kha lwendo lwa Kristo kha lifhasi, Lushie two bebwa fhano kha lifhasi. Huno izwi zwifhiwa zwe vhanna vha vhuñali vha Mu disela, two tou fanela kokotolo ndaela Yawe i bvaho ha Mudzimu na lwendo Lwawe kha lifhasi.

<sup>56</sup> Zwino, tshithu tsha u thoma: Mudzimu. Uyu o vha e Mudzimu, Yesu o vha e Mudzimu nga tshivhumbeo tsha muthu. Izwo zwi kondela vhatu u mila izwo, na ñamusi, uri “O vha e Mudzimu.” Huno Ene... Izwo ndi zwe A vha e zwone. O vha a si tshithu tshe tsha vha tshi fhasi ha Mudzimu. O vha e Mudzimu o vhonadzwaho ñamani. O vha e Musiki kha tsiko Ya Ene muñe. Zwino izwo... O vha e Musiki kha tsiko Yawe, nga tsiko, u itela tsiko. O vha e Musiki kha tsiko Yawe, nga tsiko Yawe, u itela tsiko Yawe. Mimuya yothe i monela murahu kha Mudzimu, tshithu tshothe. Naa a ni vhone? Mudzimu nga vhudalo! O vha e Musiki u swika he A vha e Mudzimu. Huno O vha e Tshivhili kha lifhasi (Tshivhili tsha tshifhinga), zwine zwa amba uri U fanela u vha e na u ranga, ngauralo-ha O Disikela muvhili wa u tshila ngomu hawo. Mudzimu, Ene muñe, o Disikela muvhili. Ni a vhona? Uyo ndi nga iyi tsiko, A nga di tshidza tsiko yo xelaho ye A vha o no i sika.

<sup>57</sup> A hu na tshithu tshine munna a nga tshi tshinyadza tshothe, a hu na tshithu na tshithihi. Ni nga si ite tshithu tsha u tshinyadza tshiñwe tshithu tshothe. Inwi ni nga di dzhia tshipida tsha bambiri huno na tshi fhisa, ni nga di fhisa tshifhañt tsha wela fhasi, ni nga di fhisa muri wa wela fhasi; a no ngo u tshinyadza tshothe. Inwi... uyo muñiso ngomu heneffo, uyo mulilo u no vunda, idzo ndi khemikhaña dzi tshi khou phamukana. Dzi khou humela murahu kha zwe dza vha dzi zwone u rangani. A dzo ngo tshinyadzwa tshothe. Arali na fhisa tshipida tsha luhuni, (huno shango li ri... Arali ro tshila kha Vhutshilo-tshothe vhunga Mudzimu, huno idzo khemikhaña kha ulwo luhuni huno uyo mulilo wo humela murahu kha u ranga halwo ha vhubvo na zwalwo... kha tshiñwe na tshiñwe tshe tsha vha tshi tshone, u vundea ha dziathomu na zwinwe-vho, sha—shango li ri, “ri ima lwa

minwaha ya milioni") ine i nga da henefho murahu tswititi hafhu huno wa vha muñwe muri, zwa tou kokotolo vhunga zwe zwa vha zwi zwone.

<sup>58</sup> Inwi ni nga si kone u tshinyadza tshothe tshithu tshiñwe na tshiñwe ngauri ndi Ipfi lo Ambiwo la Mudzimu. Amene! Oo, huno izwo zwi nnyita uri ndi dipfe ndi wa vhurereli, zwino. Ni a vhona? Zwine Mudzimu a amba, Zwi ima lwa lini na lini. Amene! Ni a vhona, ni nga si kone u zwi tshinyadza tshothe. Rine ri tshipida tsha ili lifhasi, huno na khathihi ri nga si tshinyadzwē tshothe. Hai, muñe wanga. Tshivhi (muya) u do tshinyadzwē tshothe, ri a zwi limuha izwo. Fhedzi mu—muvhili une ra tshila khawo, u nga si kone u tshinyadzwē tshothe. Ni a vhona?

<sup>59</sup> Zwino, ngauralo-ha, Mudzimu o Disikela muvhili. O vha e Musiki, huno a sika tsiko Ya Ene muñe, uri nga iyi Tsiko A kone u tshidza avho vho xelaho kha tsiko Yawe (a re inwi na nñe, zwivhumbwa zwa tshifhinga).

<sup>60</sup> Ipfi Lawe—Lawe kokotolo lo sumbedza uri... Ene na mishumo Yawe o sumbedza uri O vha e si tshithu tshi re fhasi ha Musiki. O dzhia tshipida tsha tshinnkwa huno a tshi vunda, huno a dzulela u vunda itsho tshipida tsha tshinnkwa tshithihi, huno a kanzwa vhatu vha zwigidi zwiñanu ngatsho; huno a dzhia mimanngi ya sumbe yo dalaho zwipida zwo salaho, huno nnyi na nnyi henefho o vha e na ma—ma—matheriala othe a tshinnkwa.

<sup>61</sup> O dzhia khovhe huno a vunda iyo khovhe. Zwino arali ri tshi limuha uri O sika iyo khovhe u rangani. O sika itsho tshinnkwa u rangani. Fhedzi O dzhia iyo khovhe huno a vunda iyo khovhe. Khovhe i tshilaho yo vha hone, huno ya vhiliswa kana—kana ya kadzingiwa; huno musi A tshi i vunda, tshiñwe na tshiñwe tshe ya vha i tshone (yo bikiwa kana u kadzingiwa), ya alutshela murahu (muniti wonoyo muthihi we A i vunda) iñwe khovhe yo vhiliswaho kana yo kadzingiwaho. Naa izwo a zwi mangadzi? Izwo zwo sumbedza uri O vha e si tshithu tshi re fhasi ha Jehovah. Huno zwenezwo O vha e Musiki we a kona u dzhia tsiko Ya Ene muñe, nahone nga tsiko Yawe, a bula uri O vha E nnyi. Haleluya! Izwo zwo sumbedza uri O vha e zwe A vha e zwone. O vha e Vhumudzimu. Ngauralo, musuku wo vha u tshi khou vha kha Ene, nga tshithavhelo kha mabebo Awe. O vha e Vhumudzimu ho itwaho nama.

<sup>62</sup> Ndi nga di wisa tshi... A hu na vhatsinda vhukati hashu madekwana a ñamusi, ndi dzhia nga u ralo, ngauralo... kha uyu muñangano wa thabelo. Fhedzi i ri ni ndi ambe tshiñwe tshithu. Naa Yesu, musi O vha e fhano,...? Zwino, izwi ndi zwa u elekanya, a si zwa...hu na khonadzeo... a tshi khou ñoda kha ndi ralo. Dzhielani nzhele, u tou elekanya, Yesu o amba, kha Yohane Mukhethwa 14:12, "Ane a tenda kha Nñe, mishumo ine Nda do ita na ene u do ita na i fhiraho iyi u do ita, ngauri Ndi ya ha Khotsi Anga." Naa izwo no zwi limuha?

Dzhielani nzhele, zwino, uyo o vha e Murwa wa Mudzimu a tshi khou fulufhedzisa a tendaho, izwo zwithu zwi hulwane zwi fhiraho zwe A ita, (mađuvhani aya a u fhedzisela) uri a tendaho u do ita zwithu zwi hulwane zwi fhiraho zwe A ita. Yohane Muķhethwa, ndima ya vhu14, ndimana ya vhu12. Naa izwo ndi zwone? Naa ni a tenda uri Yesu o zwi amba?

<sup>63</sup> Dzhielani nzhele, musi Yesu o sika tshinnkwa; O dzhia tshipida tsha tshinnkwa, huno a sika tshinnkwa tshe tsha vha tsho no vha tshinnkwa. Musi A tshi sika khovhe; A dzhia khovhe ye ya vha yo sikiwa lwa u thoma sa khovhe, huno a tusa inwe khovhe khayo. Naa izwo ndi zwone? O dzhia mađi, e nga khonadzeo a vha a tshi do vha o vha veini, huno a ita veini ngao. Naa izwo ndi zwone? Fhedzi ro Mu vhona vhukati hashu, kha aya mađuyha a u fhedzisela, a sika zwithu heneffo nnđa, hu si na tshithu tsho imaho heneffo! Naa izwo ndi zwone? U sika tshisindi hune ha sa vhe na zwisindi. Ndi zwone! Oo, U...u dzula e Mudzimu. U tou vha Vhumudzimu nga maandja qamusi sa zwe A vha e zwone tshifhingani itsho na misi yothe, kana hune a do vha hone. U kha di vha Mudzimu, na mbilu dzi re na khaedu u zwi tenda, “Zwi hulwane u fhira izwi, inwi... hu si na tshiñwe tshithu tsha u fara na u vunda. Zwi ambeni, huno zwi do vha nga u ralo.”

<sup>64</sup> Dzhielani nzhele zwino, ri wana uri Zwawe...O ḥalusa. Mishumo ye A ita yo ḥalusa uri O vha e Vhumudzimu, o sumbedza uri O vha e ene. Ngauri Ene o ri, “Arali Ndi sa iti mishumo ya Khotsi Anga, zwenezwo ni songo Ntenda.”

<sup>65</sup> Huno Mukriste o vha a sa nga koni u amba namusi, “Arali ndi sa iti mishumo ya Mutshidzi wanga, ni songo ntenda”? Ni a vhona?

<sup>66</sup> “Vhunga Khotsi o Nthuma, ngauralo Ndi a ni ruma.” Huno arali no ita yone mishumo, mishumo ya tsiko ya Khotsi ye ya Mu ruma, zwenezwo ndi tsiko...Kristo (Musiki) a ri rumaho, a ita mishumo ya Kristo Musiki. Ni a vhona? “Vhunga Khotsi o Nthuma, ngauralo Ndi a ni ruma. Huno arali Ndi sa iti mishumo ya Khotsi Anga, ni songo ntenda.”

<sup>67</sup> Zwenezwo Mukriste namusi u tea u ita Vhutshilo he Kristo a ita kana ri na thendelo ya u amba, “A zwo ngo ralo.”

<sup>68</sup> Dzhielani nzhele zwino, mishumo Yawe yo Mu sika... kana yo Mu ḥalusa u vha Musiki. Mishumo Yawe ye A ita yo pfufha vhutanzi ha vhutshilo Hawe, uri O vha e “Musiki”; hu si na ndila ya u ṭutshela kule nazwo. Ngauralo-ha, musi vha tshi nea tshifhiwa tsha musuku, vhone vho vha vhe na nyandano yo fhelelaho na Mudzimu na zwifhiwa zwavho. Vho Mu nea musuku, wo Mu ḥalusaho sa Vhumudzimu. Tshifhinga tshothe khare, khare ya musuku... ḥoho ya musuku, ya Khosi Nebukadanetsara. Zwothe, ni a zwi vhona, zwi... tshifhinga tshothe Vhumudzimu vhu imelwa nga musuku.

<sup>69</sup> Zwino: *nonzhe*. Ri ṭoda u wana izwi nga u ṭavhanya. *Nonzhe* ndi “tshīthavhelo tsha tshumelo kha Jehovah.” Zwino, arali ni tshi ṭoda u vhea aya Maiwalo fhasi, Levitiko 2:2, na Levitiko 16:6 u ya kha ya 15. Ri a wanulusa uri aya ndi maitele kwao a vhutshifhe, u ita tshīthavhelo kha Jehovah. Musi o ita tshīthavhelo, tshi tea u itwa huno tsha ṭanganywa na nonzhe u itela tshīthavhelo tsha tshivhi, vha dzhia zwithu two fhambanaho huno vha zwi ṭanganya nazwo. U itela vhukhopfu ha tshīthavhelo, u itela tshīthavhelo tsha u kumedza, *nonzhe* yo engedzwa. Ngauri, two vha zwi tshi ṭanganedzwa nga Jehovah arali two vha two doliswa nga *nonzhe*, zwine zwa amba uri ndi “tshumelo kha Jehovah, Mudzimu.” Huno, zwino, ri a wanulusa uri ndi Ene Vhumudzimu. Huno vho Mu disela nonzhe, o vha e tshifanyiso tsha uri O vha e tshumelo kha Jehovah. Yesu ndi Mulanda wa Jehovah.

<sup>70</sup> Zwino, kha Mateo Mukhethwa 12:15 u swika kha ya 21, ri wana uri O vha e Mulanda wa Jehovah, “Vhonani Mulanda wanga, kha Uyo ane Nda takala nga maanda” (huno O vha o ralo) “huno Ndo vhea nungo Dzanga kha Ene.” Ngauralo vhutshilo Hawe ho vha ho doliswa *nonzhe*, kha tshumelo ya Jehovah. Vhanna vha vhuṭali vho nea tshifhiwa-de nandi! Ni a vhona, ho vha hu tshinwe tshithu tsha u...tshi—tshifhiwa tshine vha nea, tsho vha tshi tshiňwe tshithu tsha u talusa Yesu sa Mulanda wa Jehovah.

<sup>71</sup> Zwino arali ri tshi nga kona fhedzi u ita izwo, u ṭalusa matshilo ashu. Ni a vhona, matshilo ashu u ṭaluswa sa mulanda wa Jehovah. Izwo ndi zwe *nonzhe* ya vha i yazwo, izwo two Mu ita Mulanda wa Jehovah.

<sup>72</sup> Zwino, *zwioro*, z-w-i-o-r-o, two “vha zwi ndodzo ya lufu.” Ri wana kha Yohane Mukhethwa, ndima ya vhu<sup>19</sup>, ndimana ya vhu<sup>39</sup>, u ya uho kha tshu—tshumelo ya mbulungo ya Yesu, musi Maria na vhone vho ya, vho dzhia izwi zwioro u Mu dolisa ngazwo; ngauri U fanela u vha Mulanda wa Jehovah. Ni a vhona? Muniwe muthu o do tea u fa. Iyo yo vha i tshumelo ye ya do itelwa Mudzimu, huno a hu na muthu we a vha o tea u i ita nga nn̄da ha Mudzimu Ene muñe. Ngauralo, a tshi da na zwioro—zwioro, a tshi sumbedza izwo na Vhumudzimu, na tshumelo, uri Ene o vha o doliswa nga zwioro; lwe uvhu Vhumudzimu ho do tea u iswa lufuni u itela u tshidza uyo a songo fhelelaho. Oo, ndi tshithu tshihulwane-de nandi!

<sup>73</sup> Tsiko yothe yo vha yo xela. Ri kha di bva u fhira nga khayo kha Mapfundo a Sumbe. Ni a vhona, tsiko yothe yo vha yo xela, tshiňwe na tshiňwe tsho vha tshi si tsheeho. Zwothe zwo vha zwi zwa Sathane. O vha muñaifa wazwo huno u kha di vha nazwo. Zwa vhukuma u a ita. Itsyo ndi tshone tshi itisaho uri ri lwe nahone ri na uvhu vhuleme hothe. U langa muvhuso muňwe na muňwe; Sathane u a ita. Muvhuso muňwe na muňwe, khosi iňwe na iňwe, muvhuso muňwe na muňwe,

u langwa nga Sathane. Shango lothe li langwa nahone la tshimbidzwa nga Sathane. Itsho ndi tshone tshi itisaho uri ri vhe na vhuleme vhune ra vha naho. Mutshudeni muñwe na muñwe wa Bivhili, kana tshiñwe tshithu, tshi nga kona u ni vhudza uri Sathane... Zwo luga, Bivhili Yone iñe i ri o ita, ni a vhona, uri u langa shango. Fhedzi Kristo u do wela Vhułafani hazwo, ngauri zwino Ene ndi Murengululi washu. Huno U da u rengulula tsiko yothe, huno a hu na tshithu tshine tshi nga kona u zwi ita nga nn̄da ha Mudzimu Ene muñe.

<sup>74</sup> Itsho ndi tshone tshi itisaho uri Mudzimu a sa ite tshithu nga nn̄da ha munna. Tshifhinga tshothe u shuma nga kha munna ngauri U tea u shumisa munna. Munna ndi tshe A do tea u tshi shumisa u ḥana tshiṭaluli Tshawe tsha Mutshidzi. O do tea u mu ita nga tshifanyiso Tshawe, u mu ita tshiñwe tshithu vhunga Ene, huno a mu vhea kha u ḥinangela ene muñe huno a mu litsha uri a ḫifare nga ndila inwe na inwe ye a ḫoda u ralo. O kona u dzhia u nanga hawe. Huno O ḫivha uyo munna, nga u mu nea u nanga hawe, u do wa. Ngauralo e uyo A no do ita izwo, Ú humela murahu u mona hothe huno u ita munna mungane Wawe, huno ha iti tshithu nn̄dāni ha musi A tshi tshi ita nga kha munna!

<sup>75</sup> Mushumo wothe wa thengululo u da nga munna! Haleluya! Lufu lu da nga munna wa u thoma, Vhutshilo vhu da nga Adamu wa vhuvhili. Ni a vhona? Khezwo, Ha iti tshithu ngauri O do tea u shumisa munna kha izwo, zwenezwo U shumisa munna u rengululela murahu hafhu. Ngauralo Vhumudzimu vhu vha Jehovah, kana Jehovah u vha-... Ndiene Vhumudzimu, huno U vha ene—ene Nwana. U vha nga tshivhumbleo tsha tshivhi, uri A kone u rengulula muitazwivhi. Ni a vhona, netsho tshithu tshothe.

<sup>76</sup> Zwino, sedzani uri mini...izwo zwifhiwa zwi tea lwo nakaho hani ngomu ha Yesu Kristo; ni a vhona, musuku, zwi tshi amba nga ha Vhumudzimu Hawe. Zwino, vho vha vha si vhahedeni. Vho vha vho t̄tuwedzwa nga Mudzimu. Vho vha vha sa khou elekanya tshiñwe tshithu. Izwo zwi sumbedza zwo lugaho heneffho, na Vhadziavhuṭali, uri vho vhona Tsha N̄tha Ha Mupo. Ngauri tshifhiwa tshavho, tshe vha nea, tsho ṭalusa huno tsha amba zwavhuđi nga ha vhūtanzi havho uri vho vhona Tsha N̄tha Ha Mupo. Ndi ngani? Ngauri ndi ngani? Zwi amba nga ndila yo fhelelaho. Vho disa *musuku*, “Vhumudzimu.” Vho disa *nonzhe*, “tshumelo.” Huno vho disa *zwioro*, u itela “lufu” Lwawe. Musi O vha e Lushie, amene, a tshi khou sumbedza uri Vhumudzimu vhu do vhulawa ḥamani, amene, uri zwi kone u rengulula munna o waho. Naa vhathu vha nga sukumedzela hani izwo phasi?

<sup>77</sup> Musi ni tshi limuha: Naa ri khou itani fhano? Naa ro bva ngafhi? Kana ri na bindu ḥifhio nga u vha hone fhano? A ro ngo vhewa fhano nga tshikhala fhedzi, ro vhewa fhano nga

ndivho huno ri fanela u shumela iyo ndivho. Fhedzi naho zwe ralo ri murahu kha theo ya u dinangela ene muñe hune ri nga kona u Li shumela kana u Li landula, u tou fana na Adamu o ita ngei u rangani.

<sup>78</sup> Ndi khou sedza, avha vhasidzana vhaṭuku fhano, Mukomana... Naa ndi...? Ndi a tenda uri ndi mufumakadzi muṭuku o tambaho piano, huno ndo—ndo vha ndi tshi khou vha pfa musi vha tshi khou imba. Ro vha ri tshi khou amba nga havho, ndilani ya u da ngeno n̄tha. Hu na muña muṭuku wo kumedzelaho vhutshilo hawo hoṭhe na tshiñwe na tshiñwe kha Kristo. Sedzani uyo muña, uri u kha nzudzanyo hani. Sedzani avho vhasidzana vhaṭuku. Vho vha vho ima ngeno n̄tha, tsu—tsumbo ya vhusadzi vhuswa, ha miñwaha ya fumi. Huno a hu londwi...

<sup>79</sup> Vhege dzi si gathi dzo fhiraho ndo tsela fhasi ngomu vhunga... A thi divhi uri dzina la fhethu ndi liphio fhasi heneffho, ngei New York zwino, vha tou vha na buloko dza muđi dza mirado ya vhaswa. Hani, avho vhasidzana ngei fhasi nahone—nahone vho ambara zwiambaro huno—huno vha si na tshithu nga n̄tha havho, vho ambara bikini, vhunga vha tshi i vhidza, nga n̄tha ha iyo. Huno, oo, hu tou vha u ḥanga... Vha ita tshiñwe tshithu tshi re ḥalukanyoni yavho, a hu londwi tshi re tshone, izwo ndi ngani—ndi ngani vhe murado muswa. Vha kona u ita tshiñwe tshithu. Arali vha tshi ḥoda u eđela fhasi huno vha sa vuwe, vha tou eđela fhasi huno vha sa vuwe. Arali vha tshi ḥoda u ya vha ita tshiñwe tshithu, vha a tshi ita; arali vha sa iti, a vha iti. Itonu elekanya nga ha u enda fhedzi! Huno ḥalukanyo i songo rembuluwaho i da kha mini? Inwi a ni na thendelo ya u ita izwo, ngauri a ni wa inwi muñe; no rengwa nga Vhumudzimu, Yesu Kristo, Murwa wa Mudzimu we a itwa ḥama. Fhedzi, ni a vhona, u ḥanganana ha tshivhi!

<sup>80</sup> Huno ni a vhona vhasidzana vhaṭuku, vhaswa vho raloho vho ima nn̄da; mulandu, kha nñe, ndi tshedza nga tshifhinga tsha swiswi. Ndi tshedza tsho itaho forogo, tsha tshimebi tsha masongesonge tsha Mudzimu, lutomboni u sumbedza uri hu nga vha na Tshedza! Hu nga vha na u luga vhukati ha tshivhi!

<sup>81</sup> Maria, mme a Yesu, muđini wa Nazaretha, mudi wa vhutshivha nga maanda we wā vha u hone shangoni, fhedzi khawo Mudzimu o nanga mufumakadzi muṭuku wa u nea mbebo kha Murwa Wawe; tshialameli, mbumbelo ye ya do tea u... Lushie lwo do tea u bebwa ngatsho. O dzhia muthu o raloho u zwi ita. Mudzimu u shuma nga kha vhathe u rengulula vhathe. A nga kona u ni dzhia, a shuma nga kha inwi u rengulula vhathe, arali ni tshi do kumedza tshiñwe na tshiñwe tshoṭhe tshire na vha tshone.

<sup>82</sup> Arali ni musadzi muswa, kumedzani mikhwā yanu yavhudī. Inwi ni munna muswa, kumedzani mikhwā yanu

yavhuđi, kumedzani thalukanyo yanu, kumedzani u elekanya hanu, kumedzani mbilu yanu, kumedzani muya wanu, kumedzani zwothe zwine na vha zwone! Huno i ri ni Kristo a shume nga kha hezwo. Ndi tshithu tsha vhugala hani nandi! Ni na miňwe milambo ine na tea u i pfuka, ni na bo—boroho dzine na tea u dzi fhira, ni na—ni na zwihaswa zwitshena, ni na zwitaka, ni na dzikhuni, ni na mafhethu o swifhalaho, ni na mivhundu ya u ya ntha, ni na hune na tea u namela ntha. Naa ni khou itani? Linwe dvhva ni do tea u ima huno na sedza murahu, na vhona hune na bva hone, huno ni khou yo hađulwa nga budo line na li dzhia. Vheani zwanu—zwanu zwothe, thalukanyo yanu na mihumbulo yanu, kha iyo Naledzi ya Devhula (vhukati ha Mudzimu) huno na sa sudzuluwe Khayo. Dzulani henefho Nađo. Li do ni disa tswititi vhunga Lo ita Vhadjiavhuđali, henefho tswititi kha Kristo.

<sup>83</sup> Zwo luga, vho Mu dolisa nga zwioro. Ri a wanulusa zwino, kha Yohane 12:1 na ya 7, izwo zwi tou vha kokotolo zwe A ita. O vha e Mulanda wa Mudzimu o fhelelaho, huno vha Mu dolisa nga zwifhiwa zwa Mudzimu Zwawe zwothe. O vha o doliswa nga zwifhiwa zwa Mudzimu zwothe ngauri O vha e Mudzimu. O vha e Mudzimu. Ni a vhona, vho Mu disela zwifhiwa.

<sup>84</sup> Zwino, ri do vha... Ndi tama... Vhathu fhano tshifhinga tshothe, vhunzhi havho, inwi ni a divha, vha ni rumela tshiňwe tshithu. Zwino, musi zwi tshi da murahu kha u rumela murahu, ndo kundelwa u zwi ita. Ni a vhona? Ndi shango lothe. Ndo tou kundelwa u zwi ita. Huno ndi takalela zwitšuku... zwithu zwitšuku, na zwithu zwine vhathu vha ita u dibula na ndivhuwo yavho na zwiňwe-vho.

<sup>85</sup> Zwino, izwi ndi zwe avha vhanna vho pfumaho vha ita. Avha vhanna ndi Vhadjiavhuđali, vho disa musuku, musuku wo gumaho. Vho disa nonzhe, tsha khwinesa tshe vha kona u tshi wana. Vho disa zwioro, zwa khwinesa zwe vha kona u zwi wana.

<sup>86</sup> Ri a limuha hangeno, kha Yohane Mukhethwa 12, ri a wanulusa uri uyu musadzi... arali ro vha ri na tshifhinga tsha u zwi vhala, fhedzi a thi todj u ni fareledza nga maandesa, ni a vhona, ngauri ndi a zwi divha uri matshelo ndi Musumbuluwo, huno inwi... vhaňwe vhanu vha tea u shuma. Sedzani, vho disa... Uyu—uyu musadzi o disa izwi zwioro, itsho tshiňwe tshithu tsha mutengo tsho doliswaho, u dzhia munukho wa lufu. Huno o vunda ili bogisi la alabasića huno a li shululela kha thohoh ya Yesu. Huno Yudasi a ri, "Mulandu, ili lo vha lo tea u vha lo newa mushai." (Ha pfi, "Hu si uri o vha e na thompho kha mushai, fhedzi tsha u thoma o vha e mbava, o hwala tshelede.") Huno a ri, "Ili lo vha lo tea u vha lo rengiswa, vhudzuloni lo vhewa..."

<sup>87</sup> Huno Yesu o ri, "Mu litsheni! Ngauri o ita izwi..." A Mu dolisa, u itela tswiđo Yawe. Ni a vhona? Uyu musadzi, o

livhuwa nga maanda uri zwivhi zwo vha zwo hangwelwa u swika a tshi shumisa tshelede yawe yothe ye a vha e nayo, huno a dzhia bogisi la alabasiya huno a li vunda huno a shela mapfura huno a nukhisa lufhera nga munukho wavhuđi wa izwi zwioro, tshe a Mu dolisa u itela lufu Lwawe. Zwino, ni a vhona, o ita tshumelo a sa zwi divhi zwe a vha a tshi khou zwi ita, fhedzi o vha e a livhuwaho nga maanda kha Mudzimu.

<sup>88</sup> Huno arali ni tshi livhuwa nga maanda Khushumusi, a si u ri, “Ndi—ndi nea VhoJones tshifhiwa; huno vha nne a tshiñwe murahu, ndi do vthona zwine nda vha nazwo nga matsheloni.” Ndi ngani ni sa vuli mbilu yañu huno na vthona zwi re ngomu heneffho, na wanulusa zwine na vha nazwo ngomu *heneffho*. Huno ḥanganedzani... arali ri tshi wana i si na tshithu, i na ndaela dza negethivi na—na—na ndaela dza shango, ndi ngani ni sa humbeli Kristo u zwi ḫadza madekwana a ḥamusi? Madekwana a ḥamusi, u itela uri ni kone u wana ḥalutshedzo ya vhukuma ya Khushumusi. Ndi—ndi Kristo kha inwi; Mudzimu, a tshi khou dzula mbiluni ya muthu. Izwo ndi zwine Khushumusi ya vhukuma ya amba.

<sup>89</sup> Fhedzi, inwi ni a vhona, ḥamusi ri vha negethivi nga maanda. Ndi diabolo a no khou ri dzenisa nga kha heneffho, (hu na zwitanda zwo penndwaho zwa malegere, na—na nyala ya ḥanga mnzhi na—na munna wa mavhudzi, huno a tshi fhufha nga kha myua vhunga bufho, huno a dalela shango lothe na muṭa muñwe na muñwe na tshigwada tshiṭuku tsha zwitambiswa muṭanani wawe, huno a dalela ḥiwana muñwe na muñwe) huno i—i tou vha mazwifhi! Zwi tou vha, heneffho nnda, mazwifhi. Ni a vhona? Zwino, ni a vhona? Fhedzi ndi ngani? Diabolo o ita izwo u itela uri a thwiste ḥhalukanyo dza vhathe.

<sup>90</sup> Shango ḥa makwevho lo dzhena ngomu hazwo huno vha... Mulandu, vha ita zwo edanaho nga tshifhinga tsha Khushumusi u swika vha tshi kona u awela ḥwaha wothe, kaṭukutuku. Ndo amba na ramakwevho liñwe ḫuvha, a ri, “Inwi ni nne a idzi vhege mbili, huno arali ndi songo tea u vhulunga bennde yanga fhano,” ha pfi, “Ndi do lindela u swika Khushumusi i tevhelaho; ndo kona u ya u rea khovhe, tshiñwe na tshiñwe tshire nda toda u ita, u swika Khushumusi i tevhelaho.” A ri, “Fhedzi ndi litsha vhatukana vha tshi ya.” Ha pfi, “Itonu vha vhulunga fhano lwo edanaho u vhulunga bindu ḥanga lo vulea huno zwi vhulunga—zwi vhulunga zwanda zwanga zwo badela na zwithu.” Ha pfi, “A thi iti tshithu u swika—u swika tshifhinga tsha Khushumusi tshi tshi da.” Inwi ni a vhona, yo no vha tshithu tsha makwevho tshihulwane ngeno i tshi tea u vha u luvha; u luvha.

<sup>91</sup> Zwino, Mudzimu, o dolisa Yesu nga maanda nga vhudalo ha Ene muñe u swika... O vha e Tshifhiwa tsha Mudzimu kha shango. Uri vhanna vha vhuṭali vha ḥaluswa zwavhuđi, uri vha khou nea tshifhiwa tshavho kha Ene; zwo sumbedza uri mbiluni

dzavho vho zwi divha zwe uyo A vha e zwone, na zwe A vha a tshi khou yo vha itela zwone. Ngauralo (a zwi mangadzi) tshithu tsha u thoma tshe vha ita, vho wela fhasi, lwo fhelelaho nga maitele kwao, huno vha Mu luvha. Vha sa athu vhuya vha zwi pfesesa, vho wela fhasi huno vha Mu luvha huno zwenezwo vha ղekedza zwifhiwa zwavho. Iyo ndi ndila ya u vha na Khushumusi ya vhukuma: Mu luvheni, zwenezwo ղekedzani tshifhiwa tshanu; ni tshi khou ղekedza muvhili wanu sa tshiṭhavhelo tshi tshilaho, tshoṭhe nahone tsho ḥanganedzwaho nga Mudzimu.

<sup>92</sup> Fhedzi ni a ḥivha uri mini, nga murahu ha musi vhanna vha vhutali vho ita izwo? Khotsi na mme a Kristo... khotsi vho alusaho (a hu na zwińwe) na vhone mme, ngauri Mudzimu o vha e khotsi Awe na mme. Fhedzi ri a wanulusa uri vho ḥanganedza izwi zwifhiwa kha avha vhanna vha vhutali. A zwi mangadzi vho vha vha tshi vhidzwa vhanna vha vhutali. Vho vha vho ḥalifha. Vhone zwa vhukuma...vhe na vhutali. Arali vhanna ղamusi vho vha vha tshi do ḥalifha nga u ralo, vha tshi tou vha vho ḥalifhaho! Zwi dzhia munna wa vhutali u da kha Kristo. Munna a no rembulutshela kule Hawe ndi munna a songo ḥalifhaho. Fhedzi zwi dzhia munna o ḥalifhaho, u da kha Kristo.

<sup>93</sup> Zwino dzhielani nzhele! Huno nga murahu ha zwenezwo vhanna vha vhutali vha tshi khou Mu ḥalusa zwine A do vha zwone, huno ri a wana nga Luńwalo uri ulwo ndi kokotolo zwe A vha e zwone: Vhumudzimu kha tshumelo ya lufu. Mini-ha? Vhumudzimu kha tshumelo ya Mudzimu ya lufu. Yesu o vha e Vhumudzimu kha tshumelo ya lufu, u rengulula shango. Fhedzi ndi mini zwe shango la ita Khało? Vho Li hana. Vho Li landula. Ndi ngani? Vhańwe vhavho, tshipida tshihulwane tshavho, vho ita izwo ngauri izwi: ngauri O fa! Vha ri, "Ho ngo kona u vha Vhumudzimu huno a fa." Munna (muvhili) o vha e si Vhumudzimu, Vhumudzimu ho vha vhu kha muvhili. Uyu muvhili u tea u lozwea. Kristo onoyo a re kha inwi ndi ene tshithu fhedzi tshine tshi nga ni takula. Uyo ndi Vhumudzimu, Mudzimu kha inwi.

<sup>94</sup> Zwino, dzhielani nzhele! Zwino, zwi a fana na zwino, vha landula Vhumudzimu ho ḥaluswaho. Naa ni a zwi pfesesa? Zwa vhukuma vha do vhea dzina ḥavho kha bugu ya tshihidzo huno vha ri, "Ndi do lingedza u tshila nga iyi ndaela." Vha do dzhia muano nga izwi. Fhedzi musi zwi tshi da kha u ḥanganedza Vhumudzimu, na u bula murahu lushaka īwonolwo luthihi lwa tshifhiwa vhunga vho ita...uri inwi no ḥaluswa nga tshifhiwa tshanu, uri ni nea tshihili tshanu tshoṭhe Khało, kha Vhumudzimu ho ḥaluswaho. Zwenezwo ni a ḥitalusa na Vhumudzimu, nga u nea zwoṭhe zwine na vha zwone, zwine na vha zwone, kha Vhumudzimu Hone huńe.

<sup>95</sup> Zwino, Kristo nga lino ḥuvha, line ra tshila khało zwino, u kha di vha Vhumudzi-... a tshi khou ḥitalusa: Vhumudzimu, vhukati ha vhathu. U kha di vha Vhumudzimu, ngauri Ndi

ene Ipfi. Huno musi ri tshi vhona Ipfi li tshi khou Ditsila, zwenezwo ri a zwi divha uri munna izwo a nga si zwi ite. Ndi Vhumudzimu, Ipfi li tshi vhonadzwa nga munna. Huno Yesu o amba Ene mune, "Murwa a nga si ite tshithu nga Ene mune. Ndi nga si kone u ita tshithu, Nne ndi Munna," Yesu o amba. "Fhedzi Khotsi Anga a no dzula kha Nne, U Ntsumbedza zwithu zwe the zwine Ene mune a ita." Amene! Khezwo! Naa ndi mini? Vhumudzimu vhu tshi taluswa kha munna. Zwino, ndi zwenezwo zwithihi namusi; uvho Vhumudzimu, Ipfi lo fulufhedziswaho la lino duvha, li nga Ditalusa kha inwi. Amene! Zwenezwo ni nga kona u Li fara. Sumbedzani uri ni tenda Khalo. Neani Lone Vhumudzimu: Li tendeni, tshumelo, huno ni diimisele u fela inwi mune na miumbulo yañu. Fhedzi namusi Lo landulwa vhunga Lo vha lo ralo tshifhingani itsho.

<sup>96</sup> Dzhielani nzhele, Mudzimu o endedza Vhadziavhuṭali na izwo zwifhiwa. Ngauri zwa vhukuma lwa miwaha mivhili, vho tevhela iyo Naledzi. Ni a vhona? Huno izwo zwo sumbedza uri A lo ngo kundelwa u vha liñwe la zwithu zwa mvelo zwe zwa bvelela. Ni a vhona? Ngauri arali naledzi, dzi tshi pfuka obiti dzadzo, dzi tshi do vha dzo pfuka, zwo vha zwi tshi do vha zwo sumbedza uri ho vha hu na tshinwe tshithu tsho fhambanaho. Ngauri...nndani ha musi avho Vhadziavhuṭali vho Li vhona, tshifhinga tshilapfu zwi sa athu bvelela, huno vha zwi divha uri vho do tea u pfuka iyo ndila; ni a vhona, kha ndila dze vha vha vha tshi khou dzhena khadzo. Huno vho pfuka ngei Betlehema nga itsho tshifhinga, vho thoma ngeyo nthia, tshifhinga tshi sa athu swika, vha tshi zwi divha uri iyi mivhili ya ḥadulu yo vha i tshi khou tshimbila nga iyo ndila.

<sup>97</sup> Zwino, Mudzimu o endedza Vhadziavhuṭali ngauri vho vha vhe na zwifhiwa zwo teaho. Mudzimu o endedza avha vhanna vha vhuṭali ngauri vho vha vhe na tshifhiwa tsho teaho tsho taluswaho u talusa Murwa Wawe. Oooooh, nnenne! Naa ni a zwi wana? Vhanna vha vhuṭali namusi, vho ḥalifhaho nga Dzina la Murena, hu si nga tshinwe tshithu tsha lungano, fhedzi nga tshifhiwa tshe Mudzimu a fulufhedzisa u itela ili duvha, huno Mudzimu u do ni endedza u talusa uri Yesu Kristo ha shanduki mulovha, namusi, na lini na lini. Khezwo: vhanna vha vhuṭali!

<sup>98</sup> Mudzimu o endedza izwo zwifhiwa ngauri vho vha vhe zwifhiwa zwa u Mu ḥalusa. Vhanna vha vhuṭali, namusi, ndi nnyi ane a nga sedza kule ha vhugereke na zwithu zwe the zwa shango, u ya kha Ipfi la Mudzimu li Tshilahlo! Huno Mudzimu u do talusa Murwa Wawe nga Ipfi Lawe, ngauri Ilo ndi zwine A vha zwone. "Nne na Khotsi Anga ri muthihi." Huno, "U rangani ho vha hu Ipfi, huno Ipfi o vha e na Mudzimu, huno Ipfi o vha e Mudzimu. Huno Ipfi la itwa nama huno la dzula vhukati hashu." Huno Ipfi lenelo lithihi namusi, Ha shanduki mulovha, namusi na lini na lini. Huno munna wa vhuṭali u

tevhela Ilo, ngauri Ilo ndi line Mudzimu a li londa u Dītalusa Ngało. Amene! Tshifhiwa! Tshifhiwa tsha vhukuma, tsho taluswaho nga Mudzimu, Mudzimu u q̄isa itsho kha liphasi, tshithu tsha u ralo, u Dītalusa ngatsho.

<sup>99</sup> Huno iyo ndi n̄dila ye Kristo a taluswa: nga musuku, zwioro, na n̄onzhe, nga avho vhabba vha tshi khou sumbedza nga murunzi nahone vha tshi khou sumbedza nga tshifanyiso zwe vhutshilo Hawe ha vha vhu tshi tea u vha zwone. Ni a vhona? Vhumudzimu ho vhabbadzwa u itela tshumelo, u fa uri A kone u rengulula lushaka, ngauri O vha e wa u “tshidza vhatu Vhawe kha tshivhi tshavho.” Hu si u tshidza shango, u tshidza vhatu Vhawe kha tshivhi *tshavho*. Bivhili yo amba hafha, “Ngauri nga—nga Dzina Ławę Vhanndą vha do fulufhela.” Ni a vhona? Vhanndą vha do fulufhela Dzina Ławę. Amene! Nga mañwe maipfi, Muselwa, vho *vhidzelwaho nnda* vha Vhanndą, vha do vha vha tshi khou fulufhela kha Dzina la Yesu Kristo, “Nga Dzina Ławę Vhanndą vha do fulufhela.” Zwino, Mudzimu o vha endedza, ngauri vhone vho vha vhe...zwifhiwa zwe vha vha vha tshi khou nea, zwe vha zwe tea tshifhinga.

<sup>100</sup> Dzhielani nzhele! Vhunga ndo amba, Mudzimu o...O—O khethekanya Ipfi Ławę ngei u rangani, kha Genesi. Ndi nga kona u dzhia Genesi huno nda ni sumbedza tshikhathi tshińwe na tshińwe Bivhilini, fhasi u swika kha itsi tshikhathi hafha. Vhukheluwi hothe na zwithu zwine ra vha nazwo n̄amusi, ndi nga ni sumbedza kokotolo he zwa vha zwi hone kha Genesi. Ni a vhona?

<sup>101</sup> Mudzimu o nea Ipfi Ławę nga maanda *hafha*, nga maanda *hafha*, nga maanda *hafha*, u itela tshikhathi tshińwe na tshińwe. Huno zwenezwo A rumela muporofita fhasi, o doliswaho u ita uri ilo Ipfi li khunyelele, huno li tikedza ilo lińwe le la vha li tshi khou da. Ni a vhona, vhunga Mesia, o tikedzwa tshifhinga tshothe. Muporofita muńwe na muńwe vhutshiloni hawe, tshivhili tshawe, Ipfi le la netshelwa ilo duvha, u a da huno a khunyeledza ilo Ipfi lo n̄waliwaho huno la dzula lo amba nga ha zwine muńwe a vha a tshi khou yo vha zwone. Huno muńwe na muńwe wavho o amba nga Hae (amene) ngauri O vha e vhudalo, O vha e Thoho ya vhaporofita, O vha e Ipfi la Mudzimu, O vha e vhaporofita. Amene! Henefho U hone. Dzhielani nzhele! Zwo vha zwi tshi mangadza hani zwe A vha e zwone: muńwe na muńwe wa avho vhaporofita.

<sup>102</sup> Zwenezwo musi A tshi da, O vha e vhudalo ha vhaporofita, o vhabbadzwa; ngauri vho vha vhe Ipfi la Murena, huno O amba Ene muńe, “Arali ni tshi vhidza avho vhadzimu, vhane Ipfi la Mudzimu la da khavho, naa ni nga Nkhaṭhula hani musi Ndi tshi ri ‘Nñe ndi Murwa wa Mudzimu?’” Ni a vhona, na avho vha re kha itsi tshikhathi vho taluswa vhunga midzimu, Mudzimu o vha vhidza, Ene muńe, “midzimu.” Naa vho vha

vhe mini? Vho vha vhe u vhonadzwa ha Ipfi Lawe. Huno fhano O vha e hone, vhudalo ha Ipfi, Vhumudzimu vhu na muvhili, Vhumudzimu vhu vhonadzwaho namani.

<sup>103</sup> Sedzani! Ngauri izwi zwifhiwa, zwo avha vhanna vha disa, vho kundelwa u disa izwo kha muporofita. Zwo vha zwi tshi do vha zwi songo luga. Ni a vhona? Izwo zwifhiwa zwo kundelwa u ya kha Eliya, zwo kundelwa u ya kha Mushe, zwo do tea u da kha Ene. Huno izwo zwifhiwa zwo vha zwi zwa ilo duvha, huno zwo vha zwi zwa u talusa We A vha e ene nga izwi zwifhiwa, zwenezwo hafha hu da Mudzimu huno a Mu tsireledza. Huno a vha vhulunga, miñwaha mivhili ngei fhasi, u swika vha tshi wana Tshedza tsho Fhelelaho. Zwi fanela hani!

<sup>104</sup> Zwenezwo zwithihi namusi. Ri na vhathu vha no tou vha vha fulufhedzeaho, vhathu vhavhudzi, vhathu vha vhukumakuma. Fhedzi, inwi ni a vhona, kha izwo, hu khou do vha na tshiñwe tshithu tshi no da, zwo Mudzimu tshifhinga tshothe a ita, u talusa ili duvha. Ili ndi duvha line izwi zwithu zwa ambiwa uri zwi bvelele. A hu nga vhi na vhanzhi, hu do tou vha vha si gathi nga maanda, nga maanda vha no do tshidzwa. Bivhili yo amba nga u ralo. Hu do tou vha na tshidalatshanda.

<sup>105</sup> Yesu o amba Ene muñe, “Vhunga zwe zwa vha zwi zwone mađuvhani a Noaxe, he mimuya ya malo ya tshidzwa.” Mimuya ya malo, vha bvaho kha—kha murafho vho fanyiswa na izwi. “Vhunga zwe zwa vha zwi zwone mađuvhani a Noaxe.” Naa ho vha hu mini? Vhathu vhahulwane, vho funzeaho, vhashumi vhahulwane, vhafhati vhahulwane, tshithu tshiñwe na tshiñwe tshihulwane vhunga vho vha vhe nazwo. Vho ita uvhu vhutshilotsheda u fana naho, zwithu zwiulwane zwe vha vha vhe nazwo. “Huno vhunga zwe zwa vha zwi zwone mađuvhani a Noaxe, zwi do ralo kha u da ha Murwa wa Muthu.” Ni a vhona? Huno Mudzimu o vha e na Noaxe u talusa Ipfi lo fulufhedziswaho Lawe. Zwo vha zwo fanela nga maanda. Gungwa lo vha lo fanela kha Ipfi la Mudzimu lwe a amba, uri U do tshinyadza munna. Fhedzi o tshidza zwe a kona.

<sup>106</sup> Zwino, avha vhanna vha vhuñali, vha tshi disa zwifhiwa zwavho, vho taluswa. Zwifhiwa zwavho zwo talusa zwe La vha li zwone, huno itsho ndi tshone tsho itisaho uri Mudzimu a tsireledze izwo zwifhiwa nga kha nyito inwe na inwe ye vha ita. O Li tsireledza u swika vha tshi swika na izwo zwifhiwa, ngauri zwo vha zwo tea tshifhinga. Naa tshivhidzo tshanga izwo tshi a zwi pfectesa? Izwo ndi zwine zwa khou bvelela zwino! Ndi fhlufhela uri a zwi nga nthia ha thoho dzañu. Ndi tea u zwi amba nga tshifanyiso, kañukuñuku, inwi ni a vhona. Fhedzi ni a vhona? Ndi zwithu zwi no khou bvelela zwi no khou fanela ili duvha, Laodikea. Ndi tshifhinga tsha u fanela,

itsho ndi tshone tsho itisaho uri Mudzimu a Li tsireledze. Ni a vhona, o Li disa nga kha u talusa Ene muñe. Zwifhiwa, naho zwi tshi vhanga lufu, zwi vhea tshikhukhuliso ndilani yavho. Ndi tshifhinga tsha u fanelia, izwo ndi zwone, two fanelia duvha. Itsho ndi tshone tsho itisaho uri Mudzimu a Li tsireledze, ndila ye A ita. U do Li tsireledza, u swika ndivho Yawe yo no shumelwa.

<sup>107</sup> Oo, ndo vhala nganea, two da kha thalukanyo yanga zwi si zwa kale, zwa tshiñwe tshithu nga ayo maitete kwao. Ho vha hu tshi do vha hu na mudi muhulwane, fhano kha ulu lushaka, huno... New York. Huno ho vha hu vhusiku ha u tshela kha Khushumusi. Huno ho vha hu na muña u shayaho. Khotsi muñuku, o vha e na TB, huno o vha...huno mufumakadzi wawe o vha e na TB. Vho vha vha songo tondiwa. Huno ene—ene o vha a tshi nga... O vha a si na nungo huno ngauralo a hu na muthu we a vha a tshi nga mu hira. O vha a si na pfunzo, huno ene—ene...vhathu a vho ngo mu ḥoda.

<sup>108</sup> O vha a tshi tou vha lilaṭwa, a vha muhumbeli. U tou... ni a ḫivha zwine muhumbeli a vha zwone, itonu ya ngayo huno—huno na doba tshiñwe tshithu, huno na tshi rengisa huno na wana tshine ni nga kona; vhukololo vhuṭuku vhune vha ita khayo, vha lingedza u tshila ngayo. U tou vha... vhunga murengisi kana tshiñwe tshithu, kha tshitarata; na ya na renga džiñwe phini na džineleṭe na khephe dza puļastiki, na tshiñwe na tshiñwe tshine ni nga kona. Huno—huno tshi dzhieni, huno—huno khamusi na renga paka nga peni, huno na zwi rengisa nga nikeleri; huno na ita sente nña kha paka, huno khamusi na vha kha u gidima ha duvha. Inwi ni ri, “Iyo ndi—iyo ndi ndaela khulwane.” Fhedzi itonu elekanya, zwothe zwine a do rengisa nga duvha. Khamusi o ita sente dza fumbili, dza furaru nga duvha, nahone o vha e na muña.

<sup>109</sup> Huno mu—mufumakadzi muñuku, a si na nungo, a—a fa.

<sup>110</sup> Huno ho vha hu tshi khou da tshifhinga tsha Khushumusi. Huno musidzana muñuku, o vha o no bveledza...u bva kha vhushayapfushi, hu si na zwiliwa zwi re zwone na tshithu; a dzhia TB, na yone. Huno o vha e muthu muñuku, nahone a tshi ḥoda u swika miñwaha ya malo, ya ṭahe, fumi. Huno na khathihi ha athu vha na mpopi wa Khushumusi. Huno uyo ndi we a ḥoda sa tshifhiwa, ndi mpopi.

<sup>111</sup> Huno khotsi, a sa koni u mu nea tshenzhemo ya mishonga na zwiñwe-vho, a do...ene—ene a vhona uri musidzana mutuku o vha a tshi khou gidima nga luvhilo, huno a lingedza tshawe tsha khwinesa tsha u—u—u—u wana tshelede yo eðanaho yothe u mu wanela mpopi wa Khushumusi; arali o vha a tshi nga tou wana yo eðanaho u mu rengela mpopi muñuku! Huno ngauralo tshifhinga tsha Khushumusi tsho vha tshi tshi khou da, mutsho u si wavhuđi

wa dzhena, musidzana mułuku a bveledza luńwe lushaka lwa nyumonia, huno—huno a fa, vhege dzi si gathi fhedzi phanda ha Khushumusi. Huno khotsi, a hu na zwińwe, o kwashea mbilu, a ya kha kołikoti yawe thukhu huno a bvisa tshelede. Huno a elekanya nga ha musidzana wawe mułuku, huno a ḥoda mpo—mpopi vhunga vhasidzana vhałuku. Ni a vhona, ndi mme mułuku a no khou ḫa.

<sup>112</sup> Inwi ni dzhiela nzhele ndila ine musidzana mułuku, a ya kha mpopi, ngauri u...iyo ndi mvelo yawe, ndi ene—ndi ene mme a no khou ḫa. U ḫo vha mme línwe ḫuvha arali a tshila na tshińwe na tshińwe. Inwi ni a ḫivha, mvelo yawe. Itsho ndi tshone tshi itisaho uri musidzana mułuku a fune mpopi mułuku, u ḥoda u u londa; ngauri iṭali, ene—ene ndi mułuku, nga khonadzeo, ene—ene—ene mme mułuku.

<sup>113</sup> Huno o vha a tshi ḥoda mpopi mułuku, huno na khathihi ho ngo vha na muńwe. Huno Baba vho vhulunga tshińwe na tshińwe tshe vha kona u—u mu wanela mpopi mułuku. Huno, ngauralo, a fa.

<sup>114</sup> Huno khotsi vho nga vha vha na u tutshelwa nga ḫalukanyo. Mufumakadzi wavho o dzhiwa, musidzana mutuku wavho, huno ḫalukanyo yavho yo nga i ya fhethu u swika ene—ene...o vha a tshi kha di ḫo—o vha a tshi kha di ḫo ya mmbetenı vhusiku vhuńwe na vhuńwe huno a amba na uyu musidzana mułuku, naho o vha...o switwa. Fhedzi o elekanya uri o vha a tshi khou amba nae, nähone a tshi khou mu vhudza, “Zwino, Mufunwa, zwi nga si lapfe, huno Baba vha khou yo ni wanela uyu mpopi wa Khushumusi. Huno—huno Baba vho ni fulufhedzisa mpopi, huno ndi—nñe ndi—nñe ndi khou yo u wana.”

<sup>115</sup> Mafhedziseloni, Khushumusi ya swika. Huno, a hu na zwińwe, inwi ni a zwi ḫivha uri zwi hani. Vho pfumaho vho vha vhe na zwimima zwavho—zwavho zwiħulu; huno—huno makhandela a tshi khou duga, na vhatħu vhahulwane vha nthha zwivhidzoni, huno vha tshi amba nga ha Yesu na—na zwińwe—vho (zwivhidzo zwo vha zwo ralo), na u tshimbila nga kha tshaka dzothe dza mishumo na vhatħu, huno vha tshi khou imba, na dzingsosha na tshińwe na tshińwe. Vho ḫivha zwiłuku nga ha zwe zwa vha zwi tshi khou bvelela murahu kha phasedzhi, murahu ha izwi zwothe.

<sup>116</sup> Uyu muthu mułuku ngeyo murahu, huno o thoma u penga. O ḥoda uyo musidzana mułuku a tshi vha na uyo mpopi nga maanda, ngauri o vha o no humbelela nga u ralo u itela uyu mpopi mułuku. Ngauralo a bva huno a mu rengela mpopi wa nguvho thukhu, tshithu tshiṭuku—tshiṭuku, hu na khonadzeo ya uri masente a ḥodaho u swika furaru; tshińwe tshithu tshiṭuku tsha tshika tshe a renga, fhasi nga thungo ya tshiṭaraṭa. Huno ho vha hu vhusiku vhu rotholaho zwa

vhukuma, mi—mi—mimuya ya mahađa i tshi khou vhudzula, mahada a tshi khou wa lu lemelaho henefho; huno New York, henefho kha khunzikhunzi.

<sup>117</sup> Huno zwiṭaraṭa zwi tshi khou dala; huno vhathu vhe kha mimodoro yavho mihiwane, mihiwu ya limosini. Huno zwimima zwa u kambiwa, u nwa nn̄da, u pembelela mabebo a Kristo na ha izwi zwithu zwine rā khou amba nga hazwo madekwana a ḥamusi, u lingedza u elekanya uri iyo ndi ndilā yone ya u zwi ita; u tou nwa vhuṭungu havho ha kale na zwithu, huno iyo ndi yone ndilā ya u zwi ita. Vhone vhoṭhe...

<sup>118</sup> Ni ima vhengeleni, liñwe ḫuvha, huno musadzi a tshi khou amba nga ha zwine...vhasidzana vhavhili vho tangana huno vha ḫoda u divha zwine vha nazwo u itela khotsi avho. Huno muñwe wavho a ri, "Zwo luga, ene..." A mu wanelo bogisi la luñwe lushaka lwa dzisigareṭe. Huno muñwe o ri o wana tshaṭhanu tsha wisiki na—na—na deke la magarata. Zwino arali itsho tshi sa khou nea tshifhiwa tsha tshihumbudzo u itela mabebo a Murena Yesu Kristo! Huno iyo ndi ndilā ine zwa tshimbila, inwi ni a vhona, i tou vha tshivhalonyana tshihulu tsha mukhavhiso. A u na Khushumusi khawo na luthihi.

<sup>119</sup> Huno ngauralo ri a wana zwino, uyu munna muñku, o mona-mona. Huno o zwi divha mbiluni yawe uri musidzana wawe muñku ha tsheeho, fhedzi o ya huno a renga mpopi naho zwo ralo. Huno a elekanya, "Ndi do tou thoma u tshimbila, ndi do mu wana huñwe fhethu. U do vha nga thungo ha tshiṭaraṭa fhano huno ndi do mu wana." Huno a thoma u tshimbila.

<sup>120</sup> Ene—ene o kundelwa u ḫifhura, o vha a siho ngei murahu kha nndu ḫukhu na kha mmbete muñku, wo kheruwaho, wa tshika; fhedzi, o vha o swiṭwa. Ngauralo, ene—ene o zwi divha. O elekanya uri u do mu wana tshiṭaraṭani. O ri, "Ndi do dzulela u tshimbila." Huno o vha a tshi khou tsela fhasi nga kha dziphasedzhi, musi vho vha vha tshi khou imba ngosha dzavho nahone vha tshi khou bvela phanda. Huno u tsela fhasi phasedzhini, vho hwala uyu mpopi muñku, wa tshika; o u fara nga nguvho yawe, u swika kha mbilu yawe, a tshi khou elekanya nga ha musidzana wawe muñku.

<sup>121</sup> Huno mafhedziseli pholisa la mu vhona, huno pholisa lo vha li na zwinwiwa zwi si gathi lone liñe, huno a gidimela phasedzhini huno a fara munna wa kale huno a mu monisa. A ri, "Naa ni khou itani ni tshi khou ita itshi hafha?"

<sup>122</sup> A ri, "Nñe ndi khou dzhia uyu mpopi muñku, muñe wanga, kha musidzana wanga muñku."

<sup>123</sup> A ri, "Zwo luga, naa ni dzulafhi?" Huno a mu vhudza he a vha a tshi dzula hone. A ri, "Zwo luga, ni khou tuwa afho fhethu, no kambiwa. Humelani murahu nga inwe ndilā."

<sup>124</sup> Ha pfi, “Muñe wanga, nne—nne a tho ngo kambiwa. Ndo fulufhedzisa musidzana wanga mułuku uri ndi do—ndi do mu wanela tshifhiwa tsha Khushumusi.” Huno ha pfi, “Tshifhiwa tsho teaho tsha musidzana mułuku ndi mpopi mułuku.”

<sup>125</sup> Huno a ri, “I ri ni ndi tshi vhone.” Ngauralo a mu sumbedza mpopi mułuku, wa tshika, wo kherukanaho. Huno o vha o u fara nga tshawe...tsini na khana yawe, o fara mpopi mułuku musi a....Ngauralo pholisa, o kambiwa lwa hafu, ene muñe, a mu sukumedzela phanda huno a thoma fhasi. Munna wa kale a tsela fhasi kha phasedzhi, huno mahađa a tshi khou wa nga u ḥavhanya.

<sup>126</sup> Huno, zwo luga, zwimima zwa vhukati ha vhusiku zwa bvelela. Nga matsheloni a tevhelaho, mahađa o vha o no ima, ḫuvha lo no ḫavha. Huno ngauralo vha fanela...vhathe vhothe vha tshi bva kha zwimima zwavho zwiħulwane zwa madakalo vho vha...saga dza muxwatu dzi ḫohoni dzavho, u bva kha u nwesa na u pembelela ma—mabebo a Kristo. Huno—huno ḫunzhi havho vho vha vho fa maipfi nga u bvela phanda, zwi tshi bva kha zweithe zwe bvelelaho.

<sup>127</sup> Fhedzi kule fhasi kha phasedzhi, vha wana munna wa kale. Huno musi vha tshi mu rembulusa, o vha e na mpopi mułuku tsini na mbilu yawe. Ndi dzhia uri o isa tshifhiwa tshawe khae. O mu wana Shangoni hu si fhano. Ene—ene—ene a dzhia tshifhiwa. Tsho vha tshi tshifhiwa tsho teaho. (Mudzimu, ivha wa khathutshelo.) Naho zwo ralo zwe mu dzhieila lulu lwawe. A hu na iñwe ndila shangoni ye a vha a tshi do kona u mu nea tshifhiwa, o swiñwa. Fhedzi ndila i yothe ye a kona u zwi ita, hu do vha u ya nga u ralo. Mpopi mułuku a wo ngo amba zwinzhisa, ndi a humbulela, mpopi mułuku wa tshika kha tshifhatuwo, fhedzi wo...naa o zwi itelan? Zwe khunyeledza pfulufhedziso ye a vha o no di i ita. A hu londwi zwe vhathe vha elekanya nga hayo, zwanda zwawe zwa tshika kha mpopi mułuku, wa tshika, fhedzi zwe—zwo khunyeledza pfulufhedziso kha musidzana mułuku wawe.

<sup>128</sup> Tshiñwe tshifhinga vha sedza kha Mafhungo-madifha vhunga u imba, u tamba, a vho ngo A ḫoda musi Mudzimu o A disa, fhedzi zwe khunyeledza pfulufhedziso ine A do nea Murwa Wawe. Huno ni ḫivhani? Vho Mu sia uri a fe, na ene-vho, u tou fana na muhumbeli tshiṭaraṭani. Izwo ndi zwone kokotolo, vho Mu sia uri a fe vhunga muhumbeli tshiṭaraṭani. Huno namusi vha Mu fara vhunga muhumbeli tshiṭaraṭani, fhedzi Ḫ khunyeledza zwe A vha a tshi tea u ita. O vha e Tshifhiwa tshe Mudzimu a fulufhedzisa shango.

<sup>129</sup> Madekwana a ḫamusi, i ri ni ndi Mu dzhie sa Mutshidzi wanga kha mbilu *yanga*. I ri ni ndi tshimbile ndo livhana na lulu lwanga, kana tshiñwe na tshiñwe tshi re tshone, nga u ralo. Ndo fulufhedzisa vhutshilo hanga kha Ene. Ndi ḫoda u

vhu isa kha Ene. A hu londwi zwine nda tea u ya khazwo, arali ndi tshi tea u ya nga kha lufu, arali ndi tshi tea u thuntshiwa; a hu londwi zwine zwa itea, ndi tshi tea u seiwa, u vhidzwa “a pengaho,” tshiñwe na tshiñwe, ndo khauliwa kha zwiñwe zwa zwivhidzo zwa Vhakriste na zwiñwe-vho, ndi...ndi tshifhiwa tsha Mudzimu tshire nda tshi fara mbiluni yanga. O tshi ɻea, ndi ɻoda u tshi isa kha Ene.

Kha ri kotamise zwifhañuwo zwashu lwa tshikhathinyana.

<sup>130</sup> Ndi amba nga ha zwifhiwa zwe teaho, ho vha hu tshifhiwa tsho teaho ngauri musidzana muñuku...o vha e musidzana muñuku, u vha, mme mutuku (o vha a tshi ðo vha), tshifhiwa tsho teaho tsho vha tshi mpopi muñuku. Tshifhiwa tsho teaho tshe Mudzimu, Musiki, a kona u ɻea tsiko Yawe, u ðo vha Mutshidzi wa u ri tshidza kha nyimele ye tsha vha tshi khayo. Ndi a mangala, madekwana a ɻamusi, musi ri tshi khou sendela Khushumusi zwino, huno ndi dzhia uri u ðo vha mulaedza wa u fhedza ri tshi pfa vhukati ha zwino na Khushumusi, nnđani ha musi ri tshi wana mulaedza wa radio wa muñwe.

<sup>131</sup> Ndi a mangala, madekwana a ɻamusi, arali ro tanganedza Tshifhiwa tshe Mudzimu a ri fulufhedzisa: Vhutshilo Vhu Sa Fheli, kha u tenda kha Kristo na u tanganedza Muya Mukhethwa. Arali ni songo ralo, ni do takalela u tanganedza tshifhiwa tsha Mudzimu tsha vhukuma, tsha ngoho tsha Khushumusi, ni ðo imisa tshanða tshanu? Ni ri, “Mukomana Branham, a—a thi ɻivhi, ndo—ndo ɻi tenda nga tshiñwe tshifhinga. Huno ndo sedza zwithu zwine nda ita. Huno ndi nga, zwiñkunyana, nga u timatima.” Ni songo—ni songo tsha ɻi timatima, dzikhonani.

<sup>132</sup> Ni a vhona, tshi—tshifhinga tsho tuwesa u ya u timatima zwino. Kha ri vhe na ngoho ya vhukuma nazwo. I ri ni, “Nthabeleleni, Mukomana Branham, huno ndi ɻoda u... Tshifhiwa tsha Mudzimu kha shango, ndi Yesu Kristo. Ndi—ndi—ndi ɻoda iyi i tshi vha Khushumusi ya vhukuma. Ndi tanganedza Muya Mukhethwa mbiluni yanga. Izwo zwi nga kona u ntsireledza nga kha mađumbu othe a vhutshilo, huno nga liñwe duvha ndi nga kona u ða Vhuhoneni Hawe nga itshi tshifhiwa tsha Vhutshilo Vhu Sa Fheli. U ðo ntanganedza kha idzo theo, iyo ndi yone ndila ine A ðo zwi ita.”

<sup>133</sup> Kana, naa ni na tshifhiwa tsho teaho madekwana a ɻamusi? Lushaka lwo lugaho lwa vhudifari? “Khotsi, ndi ðo U tevhela huriwe na huriwe hune Wa tshimbila. Tshiñwe na tshiñwe tshire Wa amba ‘Ita,’ ndi ðo tshi ita. Tshiñwe na tshiñwe tshire Ipfi ɻau la mmbudza, ‘Ita,’ ndi ðo tshi ita. Ee, Muñe wanga, a thi londi zwine nnyi na nnyi-vho a amba, nne ndi khou yo tshi ita ngauri ndi ɻoda Tshifhiwa Tshau; ndi Vhutshilo, huno Kristo ndi Ipfi.”

<sup>134</sup> Arali ni sa koni u tenda Ipfi lōthe, huno na ri, “Zwo luga, a thi ɖivhi, ndi—ndi tenda uri...*itshi*, ndi tenda *itsho*, fhedzi ndi nga si kone u ya kha *itshi*, ndi nga si kone u ya kha *itsho*.” Ni tou nga vha fusumbe vhe vha ڻawa. A vha koni u tanganedza Ipfi lōthe huno vha ڻanganedza Kristo nga vhudalo ha Vhumudzimu Hawe na tshumelo Yawe; nahone o lugela u fa vhunga O itela inwi.

<sup>135</sup> Zwenezwo inwi itonu imisa tshanda tshanu, zwifhaṭuwo zwanu zwo kotama, huno na ri, “Nthabeleleni”? Mudzimu a ni fhaṭutshedze. Huno Mudzimu a ni fhaṭutshedze. Mudzimu a ni fhaṭutshedze. Mudzimu a ni fhaṭutshedze, musidzana muṭuku. Oo, Mudzimu a ni fhaṭutshedze. Ee, ndi vhona tshanda tshanu. Murena a ni fhaṭutshedze, ngoho. Itshi Tshifhiwa tshiṭuku, tsha Kristo, tshe Mudzimu a tshi rumela kha shango; huno a Tshi talusa nga....Vhadziavhuṭali vho Tshi talusa, vhutshilo Ha Ene muṇe ho Tshi talusa, lufu Lwawe ḥwo Tshi talusa, mvuwo Yawē yo Tshi talusa, u ڻanganedza haṇu ho Tshi talusa, huno U a Dītalusa na inwi uri inwi ni Wawe huno Ene ndi waṇu. Arali zwa vhukuma ni si...ni a vhona, nyito ya Muya wa Mudzimu u tshi shuma kha inwi, kha iyi khalaṇwaha ya Khushumusi, ngavhe i tshi da kha inwi zwino.

<sup>136</sup> Khotsi wa Ṭadulu, musi ri tshi dedeleka vhunga muhumbeli tshiṭaraṇani, a hu na muthu we a vha na u mu shumisa. Shango lo bvela phanda kha u pembela havho ha vhutsilu, vho ralo madekwana a ɳamusi, Murena. Fhedzi nga tshiṇwe tshifhinga ri pfa vhunga uyo muhumbeli, fhedzi ro ڻanganedza Tshifhiwa. Ngauralo ri a rabela, Khotsi, uri U ḫo ri itela tshifhiwa, tsha vhutshilo, kha ili shango li faho. Vhanzhi fhano vho imisa zwanda zwavho uri vha ḫoda Tshifhiwa tsha Mudzimu tshe A tea u ralo, Ene muṇe, a ɳea Murwa Wawe mubebwa-e-ethe, a tsela fhasi a vha Munna. O kotama fhasi nga maanda vha si vhuye....U da fhasi nga maanda na u vha a dītukufhadzaho nga maanda u swika A...a vho ngo vhuya vha vha na mmbete wa u bebelwa ngomu. Kho—kho—khovhe yo ḫo tea u...kana bere kana tshiṇwe tshithu tsho do tea u ɳea mukungwane watsho, tsha bvela thungo, (phukha) vhathu vho no vha kha nyimele ye ya vha i hone. Ene—Ene u tsela fhasi nga—nga mukungwane, danga liṭuku la kale la bako nga thungo ha muvhundu ngei Beflehema, he murwa wa phombwe a wana muḍi muṭuku miṇwaha minzhi yo fhiraho.

<sup>137</sup> Huno zwino, Murena, ri a wanulusa uri vhusiku vhunwae, vhusiku vhu rotholaho, zwo ambiwa kha Ene, “Mufunzi, ri ḫoda u ya hayani na Iwe madekwana a ɳamusi.”

<sup>138</sup> Huno A ri, “Zwo luga, zwino, zwinoni zwi na zwiṭaha, huno—huno phunguhwe dzi na bako, fhedzi A—A—A thi na... na fhethu ha u vhea ḫoho Yanga.” Huno iyo ndi ndila ine vha Mu tendela u fa, vhunga muhumbeli tshiṭaraṇani.

<sup>139</sup> Khotsi wa Tađulu, a nga kona mu—Mukriste, vha nga kona vhatu namusi u vhona uri—uri Itsho ndi itsho Tshifhiwa tshihulwane? Huno vhanzhi fhano, madekwana a namusi, who engedzeaho u fhira dazeni, ndi a humbulela, vho imisa zwanda zwavho uri vha tođa u ḥanganedza Muya Mukhethwa. Ngavhe heneffo hu tshi nga vhanna vha vhuṭali, khamusi a hu na na muthihi wa tshivhidzo a no do vhona zwine zwa bvelela. Huno iyi Naledzi, itshi Tshedza tshi sa pfectesesi tsho fhira nga nthā ha mafhethu a vhusedzi, lwa miñwaha mivhili, he vhatu vha vhuya vha vhulunga tshifhinga zwenezwo nga vhusedzi vhuna, vho vhulunga tshifhinga nga dzinaledzi. A hu na muthu, a hu na muđivhazwakale o riwalaho nga hazwo. A hu na we a divha tshithu nga Halo, huno naho two ralo Lo vha li heneffo. Huno avha vhanna vha vhuṭali, na tshifhiwa tsho teaho tshavho, vho endedzwa heneffo nga Khatsho. Ngavhe Tshedza tshenetsho tshithihi tshi tshi da ngomu mbiluni iñwe na iñwe, fhano madekwana a namusi, uyo o dzulaho a re hone. Hu nga di si vhe na munyanyuwo, hu nga di si vhe na *itshi*, *itsho*, huno khamusi hu nga si vhe na muñwe-who a no do zwi divha, u tou fana na vhanna vha vhuṭali. Fhedzi ngavhe tshiñwe tshithu tsha u ralo tshi tshi dzudzanye kha avha vhanna, vhasadzi, mbilu dza vhatukana na vhasidzana madekwana a namusi, lune itsho Tshifhiwa tsha Mudzimu tshi do dolisa vhutshilo havho. Uri u bva nga uvhu vhusiku u ya phanda, vha do shandukiswa. A vha nga fani na zwe vha vha zwone. Vha do vha tshi—tshivhumba tsho shandukiswaho u bva zwino u ya phanda. Ngavhe vhone, vhunga vhanna vha vhuṭali, vha tshi rembulutshela thungo huno vha sa ye murahu kha fesheni dza shango (na Herode, pfamo ya khosi), “Fhedzi vho tsivhudzwa nga Mudzimu, vha rembulutshela thungo.” Zwi tendele, Murena.

<sup>140</sup> Madekwana a namusi ndi rabela uri munna muñwe na muñwe wa vhuṭali, mutukana, kana musidzana, ngomu hafha madekwana a namusi... Munna kana musadzi wa vhuṭali ho edanaho u rembulutshela thungo ha zwithu zwa shango madekwana a namusi, a vha tsha humela murahu nga murahu ha ili duvha. Nga murahu ha uhu—uhu hu phasa ha ili duvha na vhusiku, hu nga si tsha vha na uri vha humele murahu kha zwithu zwa shango, fhedzi ngavhe vha tshi vha vha vhuṭali. Huno ili Ipfi lituku li sa pfectesesi le la vha vhangela u imisa tshanda tshavho huno vha ri, “Ee, ndi tođa Tshifhiwa tsha Mudzimu”... Ngavhe zwenezwo zwithihi zwe zwa vha vhangela u imisa tshanda tshavho, zwi tshi vha talusa madekwana a namusi nga lufu Lwawe, u swiṭwa, na mvuwo, nga u vha nea Muya Mukhethwa. Ngavhe vha tshi rembulutshela thungo.

<sup>141</sup> Ngavhe avha vhasadzi fhano madekwana a namusi, Murena, vhe vha vha na tshifhinga tshi kondaho nga u ralo u dzula vha tshi konana na shango; i ri mavhudzi avho a aluwe, huno vha

ambare vhunga mufumakadzi, huno vha tusa izwi zwiłolodolo na zwithu, izwi zwa u itiwa, zwa u sumbedža . . . zwi—zwi nga zwi a vha ḥalusa uri a vha na mutakalo, vha . . . heneffo—heneffo hu na tshiñwe tshithu tsho khakheaho. Huno ngavhe madekwana a ḥamusi, itshi Tshedza tshiñku tshi sa pfesesei, Murena, tshe tsha vha vhangela u imisa zwanda zwavho, ngavhe vha tshi ri, “Murena, nne ndi khou rembulutshela thungo ha zwithu zwa shango, madekwana a ḥamusi.”

<sup>142</sup> Avha vhanna vhe vha sa vhe na tshi—tshi—tshiñwe tshithu tsha vhukuma, vha no do amba na vhafumakadzi vhavho huno zwa vha vhangela u rembulutshela thungo; na zwithu zwine vha ita. Ngavhe riñe rothe khathihi, Murena, ri tou rembulutshela thungo madekwana a ḥamusi, vho tsivhudzwa nga Mudzimu nga mulaedza mułuku usili wa tshe—Tshedza tsha Mudzimu tshi no rwa kha mbilu dzashu. Ngavhe ri tshi rembulutshela thungo madekwana a ḥamusi huno—huno ra tshilela Iwe mađuvha ashu othe, ra ya—ra ya hayani na Iwe nga iñwe ndila i si iyo ye ra vha ri tshi khou enda ngayo. Zwi tendele, Murena. Ri ite Vhakriste vha khwine, Mukriste muñwe na muñwe fhano madekwana a ḥamusi, Khotsi, we a U ḥanganedza huno a tshi tenda kha Iwe. Huno vho lingedza u tshila vhutshilo ha Vhakriste, fhedzi madekwana a ḥamusi, ngavhe vha tshi rembulutshela thungo, ngavhe vha tshi ḥanganedza itsho Tshifhiwa.

<sup>143</sup> Oo Mudzimu, ndi—ndi yone—ndi yone ndila yo nyadziwaho. Vhasadzi vha do vhidzwa vha “fesheni ya kale,” vha do vhidzwa tshiñwe na tshiñwe. Huno vhanna vha do vhidzwa “vha vhusweleli ho kalulaho.” Fhedzi ro—ro luga, Murena.

<sup>144</sup> Muya Mukhethwa, ri rembulusele thungo, zwa zwino. Nthembulusele thungo, Murena. A—a—a thi ḥodi u vhuya nda ya nga iñwe ndila—vho ine ya do nthanga phanda kule na Iwe. Murena, ndi—ndi ḥoda u ya nga ndila fhedzi ine Wa vha nayo uri ndi ye ngayo. Ndi ḥoda tshifhiwa tsha mbilu yanga uri tshi vhe tsho fhelelaho nga maanda uri tshi U ḥaluse, Murena, kha lifhasi, uri Iwe a wo ngo fa, U khou tshila.

<sup>145</sup> U Mudzimu wa vha tshilaho, hu si Mudzimu wa vho faho. Vhafu vho putelwa huñwe na huñwe nga dzithunzi, na madunzi, vha tshi khou sika zwitshili na madunzi o engedzeaho; vhunga munna a tshi dzhia tshinwiwa tshawe tsha u thoma, a tshi daha sigarete yawe ya u thoma, a tshi amba mazwifhi awe a u thoma, a tshi bva na mufumakadzi wawe lwa u thoma; kana mufumakadzi a bvaho na munna, kana a itaho zwithu two khakheaho; u tou fana na dunzi lo vha rwa, huno la . . . vha—vha kuvhanganya nga . . . vha ya n̄tha kha mithuthubo na tshika, ngauri li kha maya wo faho nga ngomu. Mimuya i a bva khayo. Huno muñwe maya muvhī u mu vhangela u ita tshiñwe tshithu—vho; huno tshiñwe tshi a da, tsha vhangela uri a ite tshiñwe tshithu—vho ngauri vho ita *itshi*.

<sup>146</sup> Mudzimu, ngavhe vha tshi rembulutshela thungo huno vha da kha Vhutshilo. Ngavhe vha tshi gonya, huno Vharuñwa vha Mudzimu vha tsela fhasi na zwifhiwa zwa Vhutshilo Vhu Sa Pheli, Murena, huno vha bva kha gundo u ya kha gundo. Zwi tendele, Khotsi. Ri rembulutshela thungo, madekwana a ɿamusi, u bva kha zwithu zwa shango na mbilaelo dza shango, ro tsivhudzwa nga Mudzimu uri tshifhinga tshi tsini, Yesu u khou vhuya murahu kha lifhasi. Huno ngavhe Muya Mukhethwa Muhulwane u tshi ri ɿea, madekwana a ɿamusi, uvho Vhutshilo Vhu Sa Pheli vhune ra khou vhu ɿoda. Zwi tendele, Murena. Ri-ri tou rabela uri Iwe u do tendela idzi phathutshedzo kha riñe vhunga ri tshi dzi humbelā Dzinani la Yesu Kristo.

Zwifhañuwo zwashu zwe kotama:

<sup>147</sup> Vhanna vha vhuñali tshifhingani tsho fhiraho vho da kha itsho...vho tevhela itsho Tshedza kha...vho wana Tshedza tsho Fhelelaho. Huno ngavhe Tshedza tshiñuku, madekwana a ɿamusi, tsho ni itaho uri ni imise tshanda tshañu, kana khamusi a no ngo vhuya...Tsho ni rwa, fhedzi inwi na khathihi a no ngo imisa tshanda tshañu, ngavhe itsho Tshedza tshi tshi ni endedza heneffo kha itsho Tshedza tsho Fhelelaho.

Kha ri tou ima roñhe, u itela tshumelo ñukhu ya u ñinekedza.

<sup>148</sup> Kha ri ite mbili yashu ñukhu hafha, madekwana a ɿamusi, vhudzulo ha Kristo. Elelwani, madekwana a ɿamusi, nganea ñukhu i sa pfecteswiyo yanga ya muhumbeli. Madekwana a ɿamusi, zwa vhukuma, Yesu Kristo ndi uyo muhumbeli tshiñarañani. Izwo ndi zwone, Ene-Ene o vha e muhumbeli tshiñarañani. Oo, iina, ri ri, "Ri a Mu shumela." Ngoho. Vhukhavhiso hoñhe na lutamo lu kungaho, uyo a si Ene. Uyo a si Ene. O do tea u fa uri a ni disele itsi Tshifhiwa, hu si mpopi, fhedzi Vhutshilo. O do tea u fa uri a zwi ite, u da kha inwi, ndila fhedzi ye A kona u swika kha inwi. Ho ngo kona u tou da ngeno huno a vha Munna o fhelelaho, vhunga zwe A vha e zwone, huno a swika kha inwi. Ho ngo kona u zwi ita nga iyo ndila. O do tea u fa u zwi ita, u swikisa—u swikisa Tshifhiwa tsha Mudzimu kha inwi. Vhunga mu—muhumbeli o do tea u fa u swikisa mpopi mutuku kha musidzana wawe, Kristo o do tea u fa u swikisa Mudzimu kha inwi. Ri ɿoda u Li tanganedza madekwana a ɿamusi. Huno ndi a tenda, na zwifhañuwo zwashu zwe kotama,...huno kha ri imisele zwanda zwashu kha Mudzimu huno ra ɿekedza matshilo ashuna ngua huswa, heneffha madekwana a ɿamusi.

<sup>149</sup> Oo Mudzimu wa Tshilidzi, ri-ri ɿoda Tshifhiwa Tshau. Ndi—nñe ndi fhano, kha iyi khalañwaha ya Khushumusi, Murena, musi ndi tshi limuha huno nda sedza kha lifhasi huno nda vhona mukhavhiso na lutamo lu kungaho lwa duvha, ndi—ndi kona u tou vhona...nnnda hangei, vhunga Bivhili yo amba, itsi tshikhathi tsha Laodikea, Iwe u nga nnnda ha

tshivhidzo Tshau. Iwe wo landulwa, mutendeleki kha tshivhidzo Tsha Iwe muñe na kha vhathe Vha Iwe muñe. Wo—Wo—Wo landulwa. Mu—mutendeleki e tshiñwe tshithu tsho landulwaho, huno Iwe wo landulwa kha tshivhidzo Tsha Iwe muñe. Wo landulwa vhukati ha vhathe Vhau. A vha U ḥodi, Murena, huno vho U ḥutshela, vhunga muhumbeli, kha tshiñaraṭa. Mudzimu, Iwe—Iwe—Iwe wo ya wa fa naho zwe ralo, uri Iwe u kone u disa Tshifhiwa tsha Mudzimu kha riñe. Huno nga u dītukufhadza ndi a Li ḥanganedza, Murena. Ndi a rabela uri Iwe u do tou dadza mbilu dzashu na matshilo. Huno ri rembulusele thungo, u bva kha vhuno vhusiku u ya phanda, huno ngavhe ri tshi vha Vhau tshothe musi ri tshi ḥinekedzela kha Iwe.

<sup>150</sup> Nt̄anganedze, Murena. Vhunzhi ndi khakho dza vhutshilo dze nda ita. Huno, Mudzimu a funwaho, musi—musi ndo—musi ndo ima fhano afha fhethe hukhethwa he Mafhungo-madifha a rerwa na he ra U vhona fhano, nahone kha tshe—Tshedza tshihulwane tshe tsha vha penyela. Huno ri a livhuwa nga maanda u itela izwi, Murena. Ndi—ndi a dīkumedza nñe muñe u itela iyi Khushumusi, hu si kha...huno vhunga shango li tshi do ita kana u—kana u fhenda masiaṭari maswa. Murena, ndi—ndi tou ḥoda u ḥanganedza Murwa Wau. Ndi—ndi ḥoda u tanganedza Tshifhiwa Tshau, Murena.

<sup>151</sup> Ndi ḥoda u ḥanganedza Tshifhiwa tsha Vhutshilo Vhu Sa Pheli nga kha Kristo. Huno nñe, nga ngoho, Murena, ndi ḥanganedza Tshifhiwa tsha Kristo kha nñe, u lingedza u winela vhañwe kha Iwe. Tshimbila na muñwe na muñwe...

<sup>152</sup> Ita mufaramuṭa muṭuku a dīfahao nga maanda na u dītukufhadza, uri u do kona u ranga phanda vhañwe kha Iwe. Tshifhiwa tshe Wa mu nea, uyo wa tshisadzini mufumakadzi muṭuku, ngavhe a tshi vha a no nga mufumakadzi nga maanda u swika vhadzulatsini vha tshi do mu vhona huno—huno vha ḥoda u nga ene.

<sup>153</sup> Ita munna, mushumi wa vhengele, muñwe na muñwe a re ene, Murena; mu itele vhutshilo ha u dītukufhadza, vhunga Kristo, uri vhañwe vha vhone. A ri dīvhi hé avho vhathe vha ima hone ngei nn̄da, Khotsi, fhedzi na khathihi a ri ḥodi u ḥutshela gondo lavhuđivhudi, la kale; fhedzi ri do gogodela murahu, ra gogodela phanda, ra hovhelela kule nn̄da huiwe na huiwe u wana maya. Vhea izwo hune ri nga swikelela, Murena, ri a rabela. Huno ri nee vhu—vhu—vhutshilo vhune ha do vhanga vhathe u ḥoda u tshila nga u ralo, musi ri tshi dīkumedzela kha Iwe, madekwana a ñamusi. Nga Dzina la Yesu Kristo. Amene.

Zwino, arali ni tshi do kotamisa zwifhatuwo zwañu hafhu, ndi ḥoda u tamela muñwe na muñwe wanu Khushumusi ya dakalo nga maanda.

<sup>154</sup> Ngavhe Tshifhiwa tsha Khushumusi tshihulwane, tsha u thoma huno tshone fhedzi na tsha vhubvo nahone tshone

fhedzi tshi re hone, Yesu Kristo, nga a vhe muswa mbiluni yanu madekwana a namusi. Ngavhe Muya Mukhethwa u tshi da kha inwi huno wa ni disela zwifhiwa zwa u shumela na zwithu zwi bvaho ha Mudzimu, uri inwi . . . tshifhiwa tsha uri ni nga di tshila vhutshilo ha khwine. Uvho ndi hone vhune nda toda. Ndi do namba nda vha na Vhutshilo ha Kristo kha nne u tshila lu difhaho na u vha a kundaho u fhira u wana zwifhiwa zwethe zwa phodzo, zwifhiwa zwa zwiporofito, zwethe zwiwe zwifhiwa; itou nnea Yesu. I ri ndi tshire Vhutshilo, Vhutshilo ndi hone vhune nda toda u vhu tshila. Ndi toda u tshila uri vhañwe vha divhe. Ulwo ndi lwanga—ulwo ndi lutamo lwanga nga Khushumusi, huno ndi a rabela uri Mudzimu u do ri nea lutamo Lwawe.

<sup>155</sup> Zwino, kha ri vhe na ipfi li bvaho ha mufunzi, na u balanganywa. Huno Mudzimu a ni fhañtshedze. Ri do ni vhona vhusiku ha Lavhuraru. U swika nga itshe tshifhinga, Mudzimu a ni fhañtshedze.



*ZWIFHIWA ZWA MUDZIMU TSHIFHINGA  
TSHOTHE ZWI WANA MAFHETHU AZWO TSV63-1222  
(God's Gifts Always Find Their Places)*

Hoyu Mulaedza nga Mukomana William Marrion Branham, u rangani wo newa nga Tshiisimane nga madekwana a Swondaha, Nyendayhusiku 22, 1963, Thabereneakejeni ya Branham kha ja Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfuhifhadzwa nga Tshiisimane. Heyi thalutshedzo ya Tshivena yo gandiswa huno ya phadhaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)